

METALLIQUE TRANSFORMATION.

Contenant trois anciens traictez
en rithme Françoisé.

A S C, A V O I R,

La fontaine des amoureux de sciences
Auteur I. de la Fontaine.

Les remonstrances de Nature a l'Alchy-
miste errant : avec la responce dudit
Alchym. par I. de Mung. Ensemble
vn traicte de son Romant . . . i Rose,
concernant ledict art.

Le Sômaire Philosophique de N. Flamel.
Avec la deffense d'iceluy art, & des ho-
nestes personnages qui y vacquent:
Contre les efforts que I. Girard met à
les outrager.

DERNIERE EDITION.



A L Y O N,

Chez PIERRE RIGAUD, rue Merciere,
à l'Enseigne de la Fortune.

M. DC. XVIII.

CES AUTEURS,
Aux Lecteurs.

Gens de bon cœur, nostre venue
Donner ne vous doit desplaisir.
Si vne fois auez cogneuë
La verité cachée & nuë
En nos escrits aurez plaisir.



À V X L E C T E U R S .

CEs iours passez, amis Lècteurs, sont venus en mes mains trois petits liures touchant la transformation des metaux , anciennement composez en rithme François par autant de bons auteurs : lesquels i'estime si delectables & profitables, qu'ils meritent bien estre leuz. principalement par ceux qui ayment telle science. Et pource que parauant les exemplaires d'iceux estoient si rares, que plusieurs desiroient en vain de les voir , vous pouuez cognoistre quelle affection m'a esmeu à prendre peine qu'ils vous fussent publiquement presentez , ie dy , moyennant l'aide de veritables copies escrites à la main , beaucoup mieux ageancez & corrects, que de ma part ne les auoit oncques trouuez separément. Mais ie pense qu'il est conuenable , de dire icy quelque autre chose de chacun d'iceux, pour vous donner plus de contentement.

Le premier qui est appellé la Fontaine

La fontaine des amoureux de science, fut composé l'an 1413. par Iean de la Fontaine, natif de Valenciennes en la Conté de Henault; *amoureux de & a esté cy deuant imprimé à Paris & science.* à Lyon: Mais sçauiez-vous comment? Veritablement çà, & là, trop cortompu, & amplifié de plusieurs choses superflues & sottes, tant au regard du sens, que de la rithme: Lesquelles y auoient esté entremeslees, par la liberalité de quelque ignorant, sous espoir d'auoir part audict liure. Or vous veux-je aduertir, qu'en transcriuant & dressant ce nostre exéplaire, n'ay suiuy vne seule copie imprimée ou escripte à la main; à cause des fautes & erreurs estans en chacune de celles que i'ay peu reconuer: mais de toutes leurs meilleures pieces assemblees, & à mon iugement, ou besoin estoit, le mieux que i'ay peu corrigees, l'ay rendu tel qu'il est: tousiours fuyant, & en cedit liure, & es autres, de faire (par mon labeur) aucun tort aux auteurs, ou lecteurs d'iceux.

Des fous Quant aux diuerses images des fous & vaisseaux, estans es impressions de Lyon, ie les ay laissees comme non necessaires: mais, que plus est, adloustees contre la sentence mesme de l'auteur d'iceluy liure, qui dict (f. 10 page l. vers 18.

Vn metal en vn seul vaisſel,

Te conuient mettre en vn fornél: &c.

loinct qu'il n'est faiſte aucune deſcription ou mention deſdicts fours & vaiſſeaux, és vieux exemplaires, leſquels nous auons veu eſcrits à la main.

Au ſecond liure qu'on n'auoit encores imprimé, eſt premierement introduiſte nature, remōſtrant à l'Alchymiſte la dif-
 ference de ſes eſſects & de ceux de l'art: à fin qu'il puiſſe trouuer ce qu'il cherche, en prenant & ſuyuant la voye naturelle: & après, ledict Alchymiſte, luy faiſant reſponſe prudente. On l'appelloit communément, la complainte de nature: pource que l'auteur luy faiſt commencer ſa harangue en ſe doulourant. Quāt au nom d'iceluy auteur, les exemplaires que j'ay veu ne le portent en tiltre: mais j'eſtime, avec pluſieurs autres, que c'eſt Iean Clopinel, dict de Meung, d'oñ il eſtoit natif: encores que ie n'aye oublié le paſſage de cediſt liure, où il eſt eſcrit (f. 38. pag 1. verſ. penult.

*Les re-
 mōſtran.
 ſaites par
 natu. à
 l'Alchy.
 &c. au-
 theur 1.
 de Meüg.*

Comme tu peux voir és Romants

De Iean de Meung: qui bien m'apprenne,

Et tant les Sophiſtes reprenne.

Car cecy est dict sous le personnage de Nature : & l'on peut semblablement voir entre ce que ledict de Meung ha composé, suyuant G. de Loris, au Romant de la rose, que Amour, qu'il fait là parler, tient tres-honorables propos de luy mesme. C'est apres auoir dict,

*Cy se reposera Guillaume,
Dont le tombeau soit plein de baulme,
D'encens, de myrrhe, d'aloes,
Tant m'a seruy, tant m'a loes.
Ou s'ensuit,
Et puis viendra Iean Chopin
Au cœur gentil, au cœur Isnel,
Qui naisira dessus Loyre à Meung,
Lequel & à soul & à ieun
Me seruira toute sa vie
Sans auarice & sans enuie
Et sera si sage & si bon,
Qu'il n'auroit cure de raison,
Qui mes oïgnemens hait & blasme,
Combien qu'ils flairent plus que basme,*

J'ay aussi extraict & ioinct au dessusdict liure, vn lieu d'iceluy Romant, auquel ledict de Meung traite manifestement de l'art susdict, & à cause duquel seul, plusieurs

lieurs achetent ledict Romant. Apres est
suyuant le petit testament attribué à Ar-
naud de Villeneufue.

Le troisieme liure (qui n'auoit para- *Sommaire*
uant esté mis en lumiere) est intitule le *re Philo-*
Sommaire Philosophique de Nicolas *sophique*
Flamel : qui florissoit l'an 1393. & 1407. *de N. Fla-*
comme il appert encores en la ville de *mel.*
Paris à S. Innocent es monumés des deux
atêches opposites, le cymitiere entre elles,
qu'il fit alors faire. En l'une desquelles
sont, outre autres choses, erigees les ef-
figies de deux Serpens, ou dragons, &
d'un Lyon, suyuant la description que
d'iceux il a faict en ce liure, fol. 60. pa-
ge 2. vers 1. & fol. 61. page 1. vers 25.
Or croy-ie bien que vous ne mespriserez
cesdicts autheurs pour leur stile : car en-
cores que leurs vers ne ayent, quant aux
mots, la grace de ceux de Ronsard, ou de
plusieurs autres poëtes de nostre temps,
c'est assez qu'ils enseignent choses ex-
quises & precieuses, lesquelles sont sou-
uent cachees sous quelque vil habit. En-
cores sera-ce humainement faict de les
excuser tous, ou aucuns d'iceux, des fau-
tes qu'on leur pourroit attribuer, & en
charger ou le temps, ou la perplexité &

difficulté de la matiere subiecte , ou bien
 les vices des exemplaires corrompus. l'ay
 adiousté à la fin desdicts liures , vne de-
 fense de ceste dicte science : contre l'ou-
 trageuse epistre de L. Girard : à fin qu'ils
 soyent moins subiects aux outrages de
 quelques lâgards estourdis, & plus agrea-
 bles à plusieurs honnestes personnes. Or
 si en quelque endroict ma peine vous
 peut profiter ou plaire , iouyſſez-en
 iouyeusement.





LA FONTAINE

DES AMOUREUX

de science : composee par
Iean de la Fontaine de Va-
lenciennes, en la Comté de
Henault.



*E fut au temps du mois de May,
Qu'on doit fouir dueil & esmay,
Que i'entray dedans un vergier
Dont Zephyrus fut iardinier,*

*Quand deuant le iardin passoye,
Je n'estois pas vestu de soye:
Mais de pauvres draps maintenu,
Pour n'apparoir en public nu.
Et m'esbattant avec desir
De chasser loing mon desplaisir,
Ouy un chant harmonieux
De plusieurs oyseaux gracieux.
Adonc ie regarday l'entree
Du iardin, qui estoit fermee.
Mais comme ma veue estima*

LA FONTAINE DES

Zephirus tost la defferma:
 Puis se retira, par effect
 Monstrant qu'il n'auoit cela fait.
 Et quand ie vis celle maniere,
 Je me tiray un peu arriere,
 Et en apres enray dedans.
 Du iour n'auois mangé des dents,
 L'auoye grand soif & grand saim.
 Mais portois avec moy du pain,
 Qu'auois gardé vne sepmaine.

Lors apperceu vne fontaine,
 D'eau tres-clere, pure & fine,
 Qui estoit sous vne aubespine.
 Joyeusement empres massis,
 Et de mon pain soupes y fis:
 Puis m'endormis apres manger
 Dedans ce gracieux verger:
 Et selon mon entendement,
 Je dormy assez longuement,
 Pour la plaisance que prenoye
 Estant au songe que sougeois.
 Or pourrez scauoir de mon songe,
 Et s'apres le trouuay men songe.

Il est vray qu'il me fut aduis,
 Que deux belles dames au cler vêts,
 Semblables à filles de Roy
 Au regard de leur noble arroy.
 Vers moy s'en vindrent doucement
 Et ie les saluë humblement.

En leur disant, illustres dames
Dieu vous sauf & de corps & d'amés,
Plaise vous à moy vos noms dire,
Ce ne me vneillez esconduire.
L'une respond par grand plaisance
Ami i'ay à vous Cognoissance:
Voici Raison que i'accompaigne;
Soit par monts, par vaux, par campagnes
Elle te peut faire moult sage.
Alors entendant ce langage,
Et cuidant estre resueillé,
D'un cas fus fort esmerueillé:
Car issir veis la fontaine,
Qui est tant agreable & saine,
Sept ruisseaux que veu ie n'auoye,
M'estant couché en celle voye,
Lesquels m'auoyent si fort mouillé
Que i'en estoie tout saillé
Là s'espandoit l'eau à foison,
Adonc priay dame Raison,
Qui estoit avec Cognoissance,
Me dire la signifiace
De la fontaine & des ruisseaux
Qui sont si plantureux & beaux
Et à qui estoit le pourpris,
D'e tous costez, kien entrepris
D'arbres & de fleurs odorantes
Arrousez des eaux courantes,
En sorte que pareils i'amaie

Ne me sembloit auoir veu. Mais
 Elle me dict tresdoucelement
 Mon ami tu scauras comment
 Va de ce qu'as si grand desir;
 Escoute moy tout à loisir.

En la Fontaine ha vne chose.
 Qui est moult noblement enclose.
 Celuy qui bien la cognoistroit,
 Sur toutes autres l'aymeroit.
 Qui la voudroit chercher & querre,
 Et puis trouuee mettre en terre
 Et secher en menue poudre,
 Puis arriere en son eau resoudre,
 Mais que fussent auant parties,
 Puis assemblees les parties,
 Qui la terre mettroit pourrir
 En l'eau que la doit nourrir
 Il en naistroit vne pucelle
 Portant fruit à double manuelle,
 Mais qu'on est ast'à pourriture,
 Dont elle ne son fruit n'a ba-cure.
 La pucelle dont ie deuise
 Si poingt & ard en meinte guise:
 Car en l'air monte, en haut volant
 Puis descend bas, à val coulant,
 Et en s'en d'escendant Faonne,
 Baon que nature luy donne.

C'est vn Dragon qui à trois goules:
 Familleuses & iamaï saoules.

Tout autour de luy chascun rue,
 L'environnant ainsi qu'en rue,
 Et poursuivant par forte chassa.
 Tant que grèsse couure sa face,
 Que le noircist & se l'englua.
 Puis le compresse & le mengue,
 Elle r'enfante mesmement;
 (Ce se fait amoureusement;
 Plus puissant que deuant grand sommet
 Puis le boit comme ius de pomme.
 Ainsi l'enfant à sa maniere,
 Souuent boit & r'enfante arriere,
 Tant que plus cler est que Christal.
 Pour vrayte fait en est ytal.
 Et quand il est ainsi luisant,
 En eau moult fort & puissant,
 Il pense deuorer sa mere,
 Qui ha mangé son frere & pere.
 Ainsi comme l'alaitte & couue
 Le Dragon le fier de sa couue,
 Sauuer en deux parties part,
 Que luy aide après ce depart,
 Et puis la deliure à trois goulés,
 Qui l'ont plus tost prins que gargoules.
 Alors est le plus fort du monde,
 Iamais n'est rien qui le confonde.
 Merueilleux il est & puissant.
 Vne once en vaut cent d'or pesant.
 C'est un feu de telle nature,

Alias
 Mais auæ
 par cha-
 leur on
 chasse
 Grèsse
 que luy
 couure la
 face.

Alias
 Mais des-
 sus luy
 faut que
 lon chas-
 se &c.

Qu'il

Qu'il passe toute pourriture,
 Et transmue en autre substance,
 Quant qu'il ataint à sa semblance.
 Et guerist maladie toute,
 Apostum, lepre, & goutte:
 Et és vieux corps donne ieunesse,
 Et és ieunes, sens, & liesse.
 C'est ainssi que de Dieu miracle:
 Ce ne peut faire le triacle,
 Ne rien qui soit sous Ciel trouué,
 Fors ceci, qui est esprouué
 Par les Prophetes anciens,
 Et par docteurs Phisiciens.

Mais on ne l'ose plus enquerre,
 Pour peur des Seigneur de la terre,
 Onques mais n'aduint tel meschié.
 Car ce faire on peut sans peché:
 Moult de Sages si l'ont aymé,
 Maudit soit qui l'a diffamé,
 Lon ne le doit onc reueler,
 Qu'à ceux qui veulent Dieu aymér.
 Et qui bien aiment, ont victoire
 Pour seruir Dieu, aymér, ou croire.
 Car cil à qui Dieu donne espace,
 De viure tant que en quelque place
 Il ait celle œuvre labouree,
 A de Dieu la grace impetree
 En soy, saches certainement,
 Dont prier doit deuotement.

Pour les sainctz hommes qui l'ont mise
 En escrit selon leur deuise,
 Philosophes & Sainctz prud'hommes:
 Dont ie ne scay dire les sommes,
 Mais Dieu leur face à tous merci,
 Qui ont ouuré iusques ici:
 Et ceux qui ayment la science,
 Dieu leur doint bien & patience.

Scauoir dois que celuy Serpent,
 Que ie t'ay dit premierement,
 Est gouverné de sept Ruisseaux,
 Qui tant sont amoureux & beaux,
 Ainsi l'ay voulu figurer,
 Mais autrement le vueil nommer:
 C'est vne pierre noble & digne,
 Faiçte par science diuine,
 En laquelle vertu abonde,
 Plus qu'en nulle qui soit au monde:
 Trouuee est par Astronomie,
 Et par vraye Philosophie.

Elle prouent en la montaigne
 On ne croist nulle chose estraigne.
 Sachez de verité prouuee,
 Plusieurs sages l'y ont trouuee.
 Encores la peut-on trouuer
 Par peine de bien labourer,
 Des Philosophes est la pierriere
 Que tant est amoureuse & chere.
 Aisément on la peut auoir:

Alias
 On trou-
 ue quelle
 croist en
 haut,
 avecques
 tout ce
 qu'il lux
 faut.

LA FONTAINE DES

Et si vaut mieux que nul auoir.
 Mais peine auras moult enduree,
 Auant que tu l'ayes trouuee.
 L'ayant, n'auras faute de rien
 Qu'en trouue en ce monde terrien.
 Or reuenons à la fontaine
 Pour en scauoir chose certaine.

Celle fontaine de valeur,
 Est à vne Dame d'honneur,
 Laquelle est Nature appelee,
 Qui doit estre moult honoree:
 Car par elle toute chose est faicte,
 Et s'elle y faut, tost est desfaicte.
 Long temps ha que fust establie.
 Celle Dame ie vous assie:
 Car aussi tost que Dieu eut faict
 Les Elemens qui sont parfaits,
 L'eau, l'Air, la Terre, & le Feu,
 Nature en tout parfaicte fu.
 Sans nature ne peut pus croistre,
 Dedans la mer la petite oistre.
 Nature est mere à la ronde
 De toutes les choses du monde.
 Noble chose est que de Nature.
 Moult bien y pert à la figure
 De l'homme, que nature ha faicte,
 En quoy de rien ne s'est messaicte:
 Aussi fait-il en plusieurs choses,
 Qui par Nature sont desclofes.

Oyseaux, arbres, bestes, fleurettes,
 Du tout par Nature sont faites:
 Et ainsi est-il des metaux,
 Qui ne sent pareils ny esgaux,
 Car par elle mesme se font,
 Dedans la terre bien profond:
 Desquels plus à plein conteray,
 Quand Nature te monstreray,
 Laquelle ie veux que tu voye,
 Afin que mieux suyue sa voye,
 Et son sentier en la tienne ceures,
 Car il faut que la te descouure.

Ainsi que tels propos tenoit,
 Ie veis Nature que venoit:
 Et alors, sans faire delay,
 Droit encontre elle m'en allay
 Pour la saluer humblement.
 Mais certes tout premierement
 Vers moy fait inclination,
 Me donnant salutation.
 Lors Raison dist, voici Nature:
 A l'aymer mets toute ta cure:
 C'est elle que te fera estre
 De son ouvrage prudent maistre.
 Ie l'escontay diligemment:
 Et elle se prit sagement
 A me demander d'où i'esloye
 Et qu'en ce liu là ie queroye:
 Car il estoit beaucoup sauuaige,

Et pour les non-clercs plein d'ombrage,
 Dame, di-je, par Dieu de cieus,
 Je suis venu ci, comme cieus,
 Qui ne scait en quelle part aller,
 Pour benne aduventure trouuer.
 Mais ie vous diray sans attente,
 Et en bres propos mon entente.

Vn moult grand Prelat vey iadis,
 Sçauant, clerc, prudent & subtils,
 Qui parloit en commun langage,
 Ainsi que faict maint homme sage
 Du scauoir de la medecine
 Qu'il faisoit tres-haute & tres-digne,
 En demonstant ses excellences
 Par moult grandes experiences.
 Des Philosophes & leur science
 Deuisoit en grand reuerence.
 Bien auoit esté à l'escolle.
 Alors fus mis en vne colle
 Ardente, d'apprendre & scauoir
 Chose meilleure que tout auoir.
 Et de luy demander m'aduint,
 D'où premier la science vint:
 S'en escriit on la roncetta
 Ex qui fut cil qui la monstra.
 Il me respondit sanz delay
 Par ces propos que vous diray.
 Science si est de Dieu don,
 Qui vient par inspiration.

Ainsi est science donnée
De Dieu, & en l'homme inspirée;
Mais avec ce apprend on bien
A l'escolle par son engien.
Mais avant qu'une lettre fust venë
Si estoit la science sçeuë,
Par gens non cleres, mais inspirez,
Qui doivent bien estre honorez;
Car plusieurs ont trouuë science,
Par la diuine sapience.
Et encore est Dieu tout puissant
Pour donner à son vray seruant
Science telle qu'il luy plaist:
Dequoy à plusieurs clercs desplaist.
Disans qu'ancien n'est suffisant,
S'il n'a esté estudiant.
Qui n'est maistre es ars, on docteur,
Entre clers reçoit peu d'honneur.
Et de ce les doit-on blâmer,
Quand autrui ne scauent louer
Mais qui bien punir les vouldroit,
Les livres oster leur fandroit.
Là seroit science faillie
En plusieurs clercs, n'endoutez mie;
Et pas ne le seroit es laiz,
Qui sont rondeaux & virgels,
Et qui scauent merriquer,
Et plusieurs choses que mestier
Font à maintes gens à deliure.

Qu'ils ne trouuent pas en leur liure,
Le Charpentier, & le Masson
N'estudient que bien peu, non.
Et si font aussi belle vsine,
Qu'estudians en Medecine,
En Loix, & en Theologie,
Pour auoir pratiqué leur vie.

Dés lors fus grandement épris,
D'employer du tout mes esprits,
Tant que par vraye experience,
Auoir peusses la cagnoissance,
De ce que maint homme desire,
Par grace du souverain sire.
Mon conte raison & nature,
Bien escutoient ie vous assure,
Puis à nature di, Madame,
Helas tousiours de corps & d'ame,
Suis en travail voulant apprendre
Science, ou ne puisse m'apprendre,
Pour auoir honneur en ma vie,
Sans ce que nul y ait enuie;
Car tout mon bien ie vueil acquerir,
Comme les Laboureurs de terre;
La terre fouir & houer,
Et puis sa semence semer,
Comme font les vrais Laboureurs,
Qui sent leurs biens & leurs honneurs,
Et pour cela prier vous vueil,
Que vous me dictes de voz vueil,

Comme on nomme celle fontaine,
Qui tant est amoureuse & saine.

Elle respond, amy de voir
Puis que desirez le scavoir.
Elle s'appelle, pour le mieux,
La fontaine des amoureux.

Or te doit-il estre notaire
Que d-puis Eue nostre mere
J'ay gouverné trectout le monde,
Si grand comme il est à la ronde:
Sans moy ne peut chose regner,
Si Dieu ne la veut inspirer.

Moy qui suis nature appelée,
J'ay la terre environnée,
Dehors, dedans, & au milieu:
En toute chose prins mon lieu,
Par mandement de Dieu le Pere,
De toutes choses je suis mere,
A toutes ie donne vertu,
sans moy n'est rien, ne oncques fu,
Chose qui soit sous le ciel trouuee,
Qui par moy ne soit gouvernee.

Mais puis que tu entends raison,
Je te vueil donner un bel don,
Par lequel, si tu veulx bien faire,
Tu pourras Paradis acquerre,
Et en ce monde grand richesse,
D'on te pourra venir noblesse,
Honneur & grande Seigneurie.

LA FONTAINE DES

Et toute puissance en ta vie:
 Car en ioye tu l'vseras,
 Et mont de nobles faiçts verras,
 Par celle fontaine & cauerne,
 Qui tous les sept metaux gouuerne.
 Ils en viennent. c'est chose claire,
 Mais de la Fontaine suis mere,
 Laquelle est douce comme miel,
 Et aux sept Planetes du ciel,
 Comparee est: scauoir Saturne,
 Jupiter mars & la Lune.
 Le Soleil, Mercure & Venus
 Entends bien, tu y es tenu.
 Les sept Planettes que i'ai dict
 Accomparons sans contredit,
 Aux sept metaux venans de terre
 Qui tous sont faits d'une matiere.
 L'or entendons par le Soleil,
 Qui est un metal sans pareil.
 Et puis entendons pour l'argent,
 Luna le metal noble & gent.
 Venus pour le cuiure entenden,
 Et aussi c'est moult bien son nom.
 Mars pour le fer, & pour l'estain
 Entendons Jupiter le sain.
 Et le plomb pour Saturne en bel,
 Que nous appellons or mesel,
 Mercurius est vif argent,
 Qui a tout le gouvernement,

Des sept metaux : car c'est leur mere,
Tout ainsi que si les compere:
Qui les imparfaits peut parfaire.
Après le te voudray remettre,
Or entendi bien que ie diray.
Et comme ie declareray
La Fontaine à dame Nature,
Que tu vois ci pres en figure.
Si tu sçais bien Mercure mettre
En œuvre comme dit la lettre,
Medecine tu en feras,
Dont paradis puis acquerras,
Auecques l'honneur de ce Monde,
Ou grand planté de bien abonde.

Scauoir dois par Astronomie,
Et par vraye Philophie,
Que Mercure est des sept metaux.
La matiere, & le principal:
Car par sa pesanteur plombasse,
Se tient sous terre en vne masse,
Nonobstant qu'elle est volatine,
Et és autres moult conuersiue,
Et est sous la terre trouuee,
Tout ainsi comme est la roussee.
Et puis en l'air du Ciel s'en monte,
Moy Nature le te raconte,
Et si apres peut conceuoir.
Qui en veut Medecine auoir
Mercuriale, en son vessel,

Le mettra dedans le fournel
Pour faire sublimation.
Qui est de Dieu un noblz don,
Laquelle ie te veux monstrier
A mon pouuoir: & figurer.
Car si ne fais purs corps & ame,
Ia ne feras bonne almagame,
N'aussi bon paracheuement.
Mets y donc ton entendement.

Or entends si tu veux scauoir,
(Mieux vaut bon sens que nul auoir)
Pren ton corps & en fais essai,
Comme autres ont fait bien le scair.
Ton esprit te faut bien monder,
Ains que puisses incorporer.
Si faire veux bonxe bataille
Vingt contre sept conuient sans faille,
Et si ton corps ne peut destruire,
Vingt, à ce pas il faut qu'il meure.
Si est la bataille premiere,
De Mercure très-forte & siere,
Après rendre lui conuient faire,
Ançois qu'on en puiſt rien attrairer.
Quand à ton Vouloir entrepris
Rendu sera, lors estant pris,
Si tu en veux auoir raison,
L'enfermeras dans la prison,
D'où il ne se puisse bouger.
Mais d'un don le dois soulager;

Alias
Vingt en-
contre co-
tient, &c.

Ou pour toy rien ne voudra faire,
Tant que luy feras le contraire.
Et si faire luy veux plaisir,
Il le te conuient estlargir,
Et remettre en son premier estre,
Et pource feras tu son maistre:
Autrement sçauoir bien ne peux
Ce que tu quiers, & que tu veux.
Mais par ce point tu le sçauras,
Et à tout ton plaisir viendras,
Mais que tu faces de ton corps
Ce dont te fais ci le recors.

Faire dois donc, sans contredit,
Premier de ton corps esprit,
Et l'esprit reincorporer
En son corps sans point separer.
Et si tout ce tu ne sçais faire,
Si tu ne commence point l'affaire.
Après ceste coniuñction,
Se commence opération,
De laquelle, si tu poursieux,
Tu auras la gloire des tieux:
Mais tu dois sçauoir par ce liure,
Que moi Nature te deliure,
Que le Mercure du Soleil,
N'est pas à la Lune pareil:
Car tousiours doit demeurer blanche,
Pour faire chose à sa semblance,
Et celui qui au Sol: il jert,

Le doit ressembler en appert:
 Car on le doit rubifier:
 Et ce est le labour premier.
 Et puis assembler les peut-on
 Comme i'ay dit, en ma maison
 Cy deuant que ta as ouye,
 Qui te doit trouuer en l'ouye.
 Et si ce ne scauois entendre:
 En ton labour pourrois m'esprendre:
 Et à l'aduenture perdrois
 Long temps, & en vain l'userois.
 Et s'a mon dit scais labourer,
 Seurement y peux proceder.

Or as tu vn point de ceste ceuvre,
 Que moi Nature te descouure.
 Si te faut par bonne raison,
 Faire apres congelation
 De corps & d'esprit ensemble,
 Tant que l'un à l'autre ressemble,
 Et puis te conuient par bon sens
 Separer les quatre elemens,
 Lesquels tous nouueaux tu feras,
 Et puis en ceuvre les metras.
 Premier tu dois le feu extraire,
 Et l'air aussi pour c'est affaire,
 Et les composer en apres.
 Cete dits cy par mots expres,
 La terre & l'eau d'autre part,

Seruent moult bien à celui art,
 Et aussi fait la quinte essence:
 Car c'est de nistre fait la cence.
 Quand tu as les quatre trouuez,
 Et l'un de l'autre separez,
 Ainsi que i'ai dit par dessus,
 Ton fait sera demi conclus.

Alias
 Et en fai-
 sant,
 Al. Science.

Or peux proceder moiennant,
 Que tu faces ce que deuant
 Je t'ai en ce chapitre dit.
 Tu le mettras au four petit.
 Cela s'appelle mariage,
 Quand il est fait par homme sage:
 Et aussi c'est moult bien son nom.

Or entendez bien la raison:
 Car masculin est fort liabte
 Avec feminin amiable.
 Et quand purs & nets sont trouuez
 Et l'un avec l'autre assemblez,
 Generation fort certaine,
 Si que c'est un œuvre hautaine,
 Et qui est de grande substance.
 Ainsi est-il, d'autre semblance,
 De maint homme, & de mainte femme,
 Qui ont bon loz & bonne fame,
 Par leurs enfans qu'ils scauent faire,
 Dont chacun doit priser l'affaire:
 D'oiseaux, de bestes, & de fruiets:
 Autrement prouuer ie le puis:

Mettez

LA FONTAINE DES

Mettez d'un arbre la semence
 En terre pour bonne science:
 Apres la putrefaction,
 En viendra generation.
 Par le froment le peux scauoir,
 Qui vaut mieux que nul autre auoir,
 Semant un grain, en auras mille.
 Là ne faut estre moult habile:
 Ne oncques ne fut creature,
 Qui dire peut à moy Nature,
 Naissance ay prins sans te chercher,
 Tu ne peux rien me reprocher:
 Et ainsi des metaux est il,
 Dont Mercure est le plus subtil.
 Dans le Four est mis, on son corps,
 Que ie t'ay dit en mes records.
 Et de ce faire il est moult prest,
 Ainsi que verras cy apres.
 Là luy conuient enamourer,
 Son pareil, & puis labourer,
 Mais ains qu'affin puisse venir,
 D'ensembl: les faut despartir.
 Mais apres celle departie,
 Ser' assemblent ie vous affie.
 La fois premier est fiançaille,
 Et la seconde l'esponsaille,
 A la tierce fois par droicture,
 Assemblees en vne nature,
 C'est le mariage parfait

Al. Côme

al Quand
 il est mis
 dedâs son
 corps Il le
 conuient
 enamou-
 rer. De sô
 pareil puis
 labourer,
 &c.

Auquel gist trestout nostre fait.
Or entens bien comme i'ai dit:
Car pour vrai en rien n'ai mesdit,
Quand tu les auras separez,
Et pen. à peu bien reparez,
En apres les r'assembleres,
Et l'un avec l'autre mettras.
Mais te souviennne en ta leçon,
Du proverbe que dit Caton:
L'homme qui list en rien n'entend,
Semble au chasseur qui rien ne prend,
Si apprens donc à bien entendre,
Affin que ne puisses reprendre
Les liures, ne les bons facteurs,
Lesquels sont parfaicts entendeurs:
Car tous ceue qui nostre ceuvre blasment,
Ne la cognoissent ne l'entendent:
Celui qui bien nous entendroit,
Moult tost à nostre ceuvre viendrait:
Plusieurs fois a esté ouuree,
Et par Philosophes estrouuee:
Mais plusieurs gens tenus pour sages
La blasment dont ils sont folages:
Et chacun les en doit blasmer,
Qui a sens en soi sans amer.
Mais louer doit-on bien & bel,
Tous ceux qui aiment tel ioiel,
Et qui le pensent à trouuer,
Par peine de bien labourer.

LA FONTAINE DES

Et doit-on dire, c'est bien fait.
 Les merite leur bel effect.
 Or auons nous dict vne chose,
 Qu'il faut que briefuement soit declose.
 C'est que si bien proceder veux
 Tu faces l'union des deux,
 Tant que fiancex puissent estre
 On vaisseil qui en scait bien l'estre.
 Et puis pour ton fait separer
 Le te conuient bien ordonner.
 Et pour t'en dire la facon
 Ce n'est que resolution
 Laquelle te fait grand mestier,
 Se poursuirir veux le mestier.
 Elle doit le composi deffaire
 Ainsi que tu en as affaire.
 Tant que chacun à part lui soit,
 Et puis auant la terre soif,
 De l'eau du Ciel par droicture.
 (Car ils sont tout d'une nature)
 C'est raison qu'elle soit abreuee.
 Et de moi sera gouuenee.
 Or t'ai-je dit sans rien mesprendre,
 Comme ton corps peut ame prendre,
 Et comme loi faut de partir.
 Et l'un d'auec l'autre partir:
 Mais la despartie, sans doute,
 Est la clef de nostre ceuvre toute.
 Par le feu elle se parfait.

Alias

Quand tu
verras la
terre sei-
che,

De l'eau
du Ciel
fais qu'el-
le leicher
Car ils s'ot
tous d'une
nature,

Laboure
doncques
par droi-
ture,

Sans luy l'art seroit imparfaict.

Aucuns dient, que feu n'engendre

De sa nature fors que cendre:

Mais, leur reuerence sauuee,

Nature est dans le feu entee:

Car si Nature n'y estoit,

Iamais le feu chaleur n'auroit.

Et se prouuer ie le voulois,

Le Sel en tesmoing ie prendois.

Mais quoy nous laissons ce propos,

Et autre dire voulons loz.

Et quand ce parler entendis,

Le mot en mon cœur escripsi,

Et du noble Dame d'arro^{is},

Vueillez un peu entendre à moy,

Et reuenons à ces metaux,

Dont Mercur^e est le principaux,

Et me faictes vous & Raison

Aucune declaration,

Ou de vostre fait suis abus,

Pource que dit auez dessus:

Car vous voulez, que ie desface

Ce que i'ai faict de prime face:

Et expressement vous le dites,

Ie ne scai si c'est sont redites,

Ou si parlez par paraboles,

Car ie n'entens point vos escolles,

Amy, ce respondit Nature.

Comme entends tu le Mercure,

Alias Sol.

al. Aux 7.

Que ie t'ay cy deuant nommé?
 Je te dis qu'il est enfermé,
 Encores que souvent aduient
 Qu'en plusieurs mains il va & vient.
 Le Mercure que ie te lo,
 Surnommé de Mercurio,
 C'est le Mercure des Mercures:
 Et maintes gens mettent leurs cures,
 De le trouuer pour leur affaire:
 Car ce n'est Mercure vulgaire:
 Sans moy tu ne le peux trouuer,
 Mais quand tu en voudras ouurer,
 Moult te faudra estre auentique,
 Pour paruenir à la pratique,
 Par laquelle pourras auoir
 De noz faits vn tres grand scauoir.
 Les metaux te faudra cognoistre,
 Ou ton fait ne faudra vne cistre,
 Or, pour entendre mieux la guise,
 Je te diray où l'œuure est mise,
 Mesmement où elle commence,
 Si tu es filz de la science.
 Et cil qui y veut paruenir,
 Faut qu'à ce point sache venir,
 Ou rien ne vaudra son affaire,
 Pour labour qu'il y sache faire.
 Pour ce nomme ie la Fontaine,
 Qui tant est amoureuse & saine,
 Mercure, celui vrai surgeon,

Qui cause est de perfection.

Or entens bien que ie diray.

Car pour vray riens ne mesdiray

Celuy Mercure sans pareil,

Peux-tu trouver ou le Soleil,

Quand il est en sa grand' chaleur,

Et qu'il fait venir mainte fleur:

Car apres fleurs viennent les fruits.

Par ce point prouver ie le puis,

Et encores par cent manieres,

Qui sont à ce fait moult legieres.

Mais cestuy cy est le principe,

Et pour cela le te recite.

Certes ie ne t'ay abusé:

Car pour voir il y est trouué:

Et s'en Luna veux labourer,

Autant bien l'y pourras trouver.

En Saturne, & en Iupiter,

Et en Mars, que ie nomme Fer,

Dedans Venus, & en Mercure

On peut bien trouver la plus sure:

Mais, quant à moy, ie l'ay trouué

Au Soleil, & puis labouré,

Et pource t'en ay faict ce Liure,

Que tu m'entendes à deliure.

Dedans Luna saches de voir,

Ay ie prins mon premier avoir.

Encor dy ie aux entendeurs,

Que c'est tout vn de deux labours,

Alias:
Afin que
l'entende
à deliure.

Excepté rubissement,
 Qui sert au Soleil noblement:
 Et plus dire ne t'en scauroye,
 Se la pratique ne monstroye:
 Et celle ne te puis retraire,
 Sinon que tu le voye faire.
 Mais ayes bien en ta memoire,
 Ce que iet'ay dit iusqu'à ire.
 Estant à resolution,
 Faire dois inhibition:
 Mais ne commence point à faire
 Ce que i'ay dit sur tel affaire.
 Si n'as probation du fait.
 D'auoir bien resoult l'imparfait.
 Et si tu peux passer ce pas,
 Recorpore le par compas,
 En reuenant au fait premier.
 L'autre ne fut que messagier.
 Voir tu le peux euidentement,
 Comme se fait legierement.
 Par plus bref tu ne peux venir.
 Au plus fort de ton aduenir.
 Et si tu l'entens pour certain,
 Tu ne laboureras en vain:
 Et apres ce labeur cy fait,
 Te faut refaire le deffait.
 Putrefaction est pour voir
 Dont il doit naistre un noble auoir.
 En ce point gist la mestrise.

Auquel tout nostre fait s'attise.

Et quey que t'aye dit deuant,

Icy gist tout le conuenant.

Dans le Four est mis l'appareil,

Tu en doibz auoir vn pareil.

Car germe fault premier pourrir,

Qu'il puisse dehors terre yssir.

Mesmes la semence de l'homme,

Que pour probation te nomme,

Se pourrit au corps de la femme,

Et deuient sang, & puis prent aine.

Mais en forme de creature,

Ce secret cy te dit Nature.

Car vne chose en deura naistre,

Que sçaura bien plus que son maistre.

Pour allaiter les quatre enfans,

Qui sont desia venus tous grans,

Lesquels Elemens sont nommez,

Et l'un de l'autre separez.

Or as-tu cinq choses ensemble,

Et l'une l'autre bien ressemble:

Aussi n'est-ce qu'une substance,

Toute d'une mesme semblance.

Là doit l'enfant manger sa mere,

Et apres destruire son pere.

Fleur, & lait & fruit avec sang

Connient trouuer en vn estang.

Or regarde dont le lait vient,

Et que là sang faire conuient.

Si ce ne scez. considerer,
 Tu pers ta peine à labourer:
 Et si tu me scez bien entendre,
 Si laboure sans plus attendre:
 Car tu as passé le passage
 Où demeure maint fol & sage.
 Là tu te peux un peu poser.
 Apres commence à labourer:
 Et poursui tant que face issir.
 Fruict parfait, qu'on nomme Elixier.
 Car par œuure sciencieuse
 Se fait la pierre precieuse.
 Des Philosophes le renom,
 Qui en scauent bien la raison.
 Et n'est ioyel, ne mal auoir.
 Qui puisse celle pierre valoir.
 Si ses effects veux que ie die,
 Guérir peut toute maladie.
 Aussi par ses tres-nobles faitts.
 Parfait les metaux imparfaitts.
 Et ne fait plus chose du monde,
 For: ceste où grand Vertu abonde.
 A merueilleux faitts est encline.
 Pourtant la nommons medecine.
 Et de toutes les autres pierres,
 Que maints Princes tiennent pour cheres,
 Nulle peut tant resiouir l'homme,
 Que ceste cy que ie te nomme.
 Et pource ie t'en fais memoire,

Que tu le tiennes pour notoire:
Car sur toutes pierres du monde,
Vertu dedans la nostre abonde,
Et pour ce doit faire deuoir,
De gaigner vn si noble auoir.
Si tu me veux bien ensuiuir,
A ce point pourras aduenir.

Apprens bien, si feras que sage:
Car ie t'ay ja dit tout l'usage,
Au four tu le pourras bien veoir,
Auquel doit estre ton auoir:
Faisant par vn certain attour,
De putrefaction le tour.
Plus t'ay appris que de ces pars
Ton œuure demeure en deux pars
De ce rien plus ne te diray
Iusques en toy veüe i'auray
Seruice pourquoy te le die,
Car autrement feroÿ folie.
Mais quand tu l'auras desferuy,
En brefs mots ie te l'auray dy,
Pource ne m'en demande plus,
Ie n'ay que trop dit du surplus.

Et quand i'eus entendu nature,
Que de parler plus n'auoit cure,
Pour ses ouurages declarer.
Moult tendrement prins à p'louer.
Et dis, noble Daine d'arroy.
Vueillez auoir pitié de moy,

Ou iamaïs ne seray deliure,
 De ce qu'ay trouué en vn liure.
 Dites moy Dame noble & bonne,
 L'auance si ferez aumosne.
 Lors respondit, plus n'en scauras,
 Tant que defferuy tu l'auras.
 Helas dis-ie lors, Dame chere,
 Vueillez moy dire la maniere,
 Comment le pourray deseruir:
 Car à tousiours veux vous seruir
 Loyaument sans ailleurs penser.
 Je ne vous puis recompenser,
 Ne augmenter vostre richesse:
 Seruice vous feray sans cesse,
 Si me donnez tant noble auoir,
 Que des vostres me recevoir.

Adonc nature respondit:
 Fils, tu sçais ce que ie t'ay dict
 Mais si me croy, d'ore en auant,
 Pourras bien estre plus sçauant.
 Dame: dis-ie, par Dieu des Cieux,
 Je voudroye bien estre cieux,
 Qui doit seruir pour tel affaire,
 Tout son viuent sans rien meffaire:
 Vueillez moy donc vos plaisirs dire,
 Car ie ne veux rien contedire.

Lors dit Nature, sans mesprendre,
 Beau Fils il te conuient apprendre
 A cognoistre les sept metaux,

Dont le Mercure est principaux,
Leurs forces, leurs infirmitéz
Et variables qualitez.

Après apprendre te conuient
Dont souffre, sel, & huile vient,
Dequoy nous te faisons memoire,
Qui te fera mestier encore.

Moult est le soulfhre necessaire,
Et si donra prou à faire.

Sans Sel ne peux mettre en effect
Vtile chose pour ton fait.

D'huyle tu as mestier moult grand:
Sans luy ne seras fait flagrant.

De ce te doit bien souuenir,
S'à nostre œuure veux paruenir.

Vn mot te diray, or l'entend,
Dequoy tu seras bien content.

Vn metal en vn seul vaisiel.

Te conuient mettre en vn Fournel.

C'est Mercure que ie t'expose:

Et si n'y faut nulle autre chose.

Mais, pour l'abregement de l'œuure,
De poinct en poinct le te descœure.

Or te vueil ie dire de l'or;

Qui des metaux est le tresor:

Il est parfait, nul ne l'est plus

De ceux que i'ay nommé dessus.

La Lune l'est, & ne l'est mie,

De vray ie le te certifie.

Il n'y a qu'un metal au monde,
 En qui nostre Mercure abonde,
 Et s'y est en tous sept trouué,
 Moult bien ay cecy esprouué.

L'or est chaud & sec par droicteure,
 La Lune est froide en sa nature.
 Saturnus est pesant & mol:
 En ce peut-il ressembler Sol.
 Plusieurs Clerks de parler ignel,
 La veulent nommer or mesel.
 Venus bien la Lune ressemble,
 En paix, & en forger ensemble.
 Mercure froid & humide est,
 Tesmoing Iupin qui en naist.
 Mars est dur, pesant, & froit,
 Des autres tous c'est le conroit.
 Soit leur nature dure ou tendre
 Il les couvient tous sept comprendre.
 Comme les ay nommez dessus,
 Et cognoistre bien leurs vertus:
 Et par ce point apres feras
 De Mercure ce que voudras.

Las, dis-ie, Dame il sera fait.
 Diètes moy l'auance du fait,
 Et comment pourray retraicter,
 Ce qu'ay veu en vostre verger:
 Car oncques mais puis que fus né,
 Ie ne fus tant enamouré
 De chose nulle de ce monde.

Je croy que Vertu y abonde:

Je le tiens pour secret de Dieu,

Qui reuelé soit en ce lieu.

Lors dit Nature, tu dis veir,

Et c'est du monde tout l'augir:

Car de ma fontaine pronient

Grand' richesse: d'où l'honneur vient

Au monde en diuerse maniere.

A plusieurs suis comme miniere.

Et pource que tu es venu

Icy sans aucun reuenn.

Et que tu as volonté bonne,

De labourer comme personne

Desirant bon-heur rencontrer,

L'auance ie te vueil monstrer.

Dit t'ay au chapitre notoire,

Je ne sçay si en as memoire,

Qu'en deux parties, gist ton œuvre.

Moy Nature le te descœure.

Fais ton soulfhre penetratif,

Par feu deuenir attractif:

Et puis luy fais manger sa mere:

S'auras accomply nostre affaire.

Mets la mere au ventre à l'enfant.

Quelle ha enfanté par deuant.

Puis si sera Père & fils.

Tout parfait de deux esprits.

Pour vray il n'en est autre chose.

Fors ce que cy ie t'en expose.

Aliàs.
Poursuy-
le à venir
attractif.

Et si tu y veux adionster
 Chose estrange, ou administrer,
 Soulphre, sel, huyle, n'autre riens,
 Pour voir ton fais ne vaudra riens:
 Car terre si ne peut porter,
 Autre fruit qu'on y veut semer.
 Creature, faict creature,
 Et beste, beste à sa nature:
 Ainsi est de toutes semences.
 Tiens ce propos de mes sciences.

Beaufils ne dy que ce soit gale:
 Il faut que tout monte & auale
 Par un chemin moult^e gracieux.
 Moult plaisant, & moult amoureux.

al. La no- La voye i'ay preordonnee,
 stre eau- Tout ensement que de rosee:
 pure or- En l'air du Ciel la faut monter:
 donnee, Et puis doucement aualer,
 Tout ain- Par un tres-amoureux sentier.
 si va que Lequel on doit bien retraicter:
 la rosee. En la descente qu'elle faict,
 Enfant le souffre parfaict:
 Et si à ce point peux venir,
 Tu peux bien dire sans mentir,
 Que d'or pourras auoir sur terre
 Grande quantité sans meffaire.
 Car si toute la mer estoit
 De metal, tel qu'on le voudroit,
 Cayure, Argent vif, plomb, on Fstain.

Et tu en misses vn seul grain
 Dessus, quand seroit eschauffée,
 Il en saudroit vne fumee,
 Qui mentoit merueilleux arroy:
 Et apres se tiendrait tout coy,
 Et puis quand seroit appaisée,
 La fumee, & tout accoisée,
 La Mer trouueroit plus fin or,
 Que nul Roy ayt en son thresor.

Or vueil au propos retourner,
 Que deuant pour bien gouverner,
 Quand ton souffre sera mangé,
 Ton Mercure mortifié,
 Tien le en prison quarante iours.
 Et puis tu verras tes amours:
 Et Dieu t'en laisse si bien faire,
 Que Paradis puisses acquerre.
 Tu vois icy bien ordonnee
 La prison que ie t'ay nommee.
 Par foy la te baille en figure.
 Or te souuienne de Nature,
 Qui t'a voulu administrer.
 Si noble don, & reueler
 La science tres-admirable
 Et en ce monde venerable.
 Autrement ne peut estre faicte.
 La pierre que ie t'ay retraits.
 Voy doncques bien les escriptures
 De nos livres, ou par figures.

ecy est
ris de
ermes-

Demonstree est ceste science,
Qui est la fleur de sapience,
Vraye chose sans nulle fable.
Tres-certaine & tres-veritable.
Le dessous si est tout semblable
A ce qui est dessus muable,
Pour perpetrer à la fin close,
Miracle d'une seule chose:
Comme de seule chose furent
Et par la pensee d'un creurent
Toutes les choses que sont nées.
Si nos œuvres sont d'un creer.
Le beau Soleil en est le pere,
Et la Lune la vraye mere:
Le vent en son ventre le serre:
Sa nourrisse si est la terre,
Le pere est du tresor du monde.
Et grand secret icy se fonde.
Sa force si est toute entiere.
Quand il retourne en terre arriere.
Separe la terre du feu,
Par engin, & en propre biens
Et doucement le grcs despart
Du subtil, que tiendra à part.
Lors montera de terre és cieux.
Et descendra devant tes yeux,
Recenant vertu souveraine
Avec sa force terrienne.
Ainsi parviendras à grand gloire.

Par tout le monde ayant victoire.
 C'est des forces toute la force,
 Là où maint se peine & efforce.
 Les subtiles choses vaincra,
 Et les dures transpercera.

Merueilles sont moult conuenables,
 Dont auons les raisons notables.

Mon nom est Jean de la Fontaine:
 Trauaillant n'ay perdu ma peine.

Car par le monde multiplie
 L'œuure d'or que i'ay accomplie.

En ma vie, par verité,
 Graces à sainte Trinité,

Qui de tous maux est medecine
 Vraye, & par effect la plus fine,

Qu'en peut en aucune part querre,
 Soit en mer, soit en toute terre:

Et du metal impur, l'ordure
 Chasse, tant qu'en matiere pure

Le rend: c'est en metal tres-gent,
 De l'espece d'or ou d'argent.

L'œuure se fait par ce moyen.
 Et si n'y faut nul autre engien,

Selon mon petit sentiment,
 Le trouue veritablement.

Pource vueil ie nommer mon Liur,
 Qui dit la matiere, & deliure

L'artifice tant precieux,
 La fontaine des amoureux.

LA FONTAINE DES
De la science tres.vtile
Describe par mon petit file.
Faißt fut par amoureux seruage,
Lors que n'estoye ieune d'aage,
L'an mil quatre cens. & treze,
Que i'auoye dans deux fois seize,
Comply fut au mois de Ianuier,
En la ville de Montpelier,

Quelqu'vn adioust.

Ci finist leau de la Fontaine,
Qui tenant icelle ceuvre hautain,
Comme vn don de Dieu tres-secret,
Doit faire tout homme discret.

Tout l'art qui est de si grand pris.
Peut estre en ces deux vers compris.

*Si fixum soluas, faciásque volare solutum,
Et volucrum figas, faciet te viuere tutum.*

F I N.

BALADE DV secret des Philosophes.

*Qui les deux corps veulx animer,
Et leur Mercure hors extraire,
L'ardant d'iceux bien sublimer,
L'oyfel volant apres retraire:
Le' au te conuient par art detraire,
Des deux vnis parfaictement,
Puis le mettre en vas circulaire,
Pour fruiet auoir tres-excellent,*


*Le Pellican faut permuer:
De son vaissel ne me puis taire.
N'oublie pas le circulier,
Par feu subtil de tres-bon aire:
Luy fuyant te faudra fix faire,
Et le fix encores volant.
Dont viendra, par temps lumineaire,
Pour fruiet auoir tres-excellent.*

Pas ne fais ce sans alterer
Nature, par voye contraire:
Car autrement ne peux muer,
La substance, & teincture faire.
En fin luy fant electuaire,
D'autre corps noble & transparent:
Nature est commun exemplaire,
Pour fruit auoir tres-excellent.

Prince cognois de quel agent
Et patient tu as affaire,
Pour fruit auoir tres-excellent.

LES





LES
REMONSTRANCES
DE NATURE A L'AL-
chymiste errant.

Par l'Authheur, Jean de Meung.

Comme nature se complaint,
Et dit sa douleur & son plaint
A vn sot souffleur, sophistique,
Qui n'vse que d'art mechanique.

N A T U R E.

H Elas que ie suis douloureuse
Me voyant ainsi malheureuse,
Quād ie pèse à toy, genre humain.
Que Dieu a formé de sa main,
A sa semblance, & vraye image,
Pour le parfaict de son ouurage,
Qui sur toute autre creature,
Te desreigle tant de Nature,
Sans vser par temps & saison
En tes faiçts de dame Raison.

Je parle à toy sot fantastique,
Qui te dis & nomme en praëtique

Alchymiste, & bon Philosophe:
 Et tu n'as sçauoir, ny estoffe.
 Ny Theorique ny science
 En l'art, ny de moy cognoissace.
 Tu romps alambics grosse beste,
 Et brusle charbon qui t'enteste;
 Tu cuis alumz, sels, orpiments,
 Et fends metaux, brusle attramens
 Tu fais grands & petits fourneaux,
 Abusant de diuers vaisseaux.
 En effect ie te certifie
 Que i'ay honte de ta folie.
 Qui plus est, grand' douleur ie souffre
 Pour la fumee de ton Souldphre,
 Et par ton feu chaud, qui ard gent,
 Tu cuide fixer vif argent
 Qui est volatil & vulgal,
 Et non cil dont ie fais metal.
 Pource homme tu t'abuses bien:
 Par ce chemin ne feras rien,
 Si tu ne marche d'autres pas.
 Mal tu uses de mes compas:
 Mal tu entens mon artifice.
 Mieux vaudroit faire ton office.
 Que tant dissouldre & distiller
 Tes drogues, pour les congeler
 Par alambics, & descensoires,
 Cucurbites, distillatoires.
 Par Pellicans & matheras:

Al. Ce
 n'est ainsi
 que fais
 metal.

Al. Subli-
 matones.

Jamais tu ne l'arresteras.
 Puis tu fais pour ta sixon,
 Feu de reuerberation,
 Voire si tres-chaud que tout fond.
 Ainsi tes œuvres se perfont.
 En fin pers l'autrui & le tien.
 Jamais ta n'y trouueras rien,
 Si tu n'entre dedans ma forge,
 Où ie martelle & tousiours forge
 Metaulx, & terrestres minieres:
 Car là tu verras les manieres
 Et la maniere dequoy s'œuvre.
 Ne cuide pas que te deconure
 Le mien secret qui tant est cher.
 Si premier tu ne vas chercher
 Le germe de tous les metaux,
 Des animaux, & vegetaux,
 Qui sont en mon pouuoir tenus,
 Et en la terre detenus.
 L'un, quant à generation,
 Et l'autre, par nutrition.

Les metaux, nont fors que l'essence:
 Les herbes ont estre & croissance:
 Les bestes, ont la sensitiue,
 Qui est plus que vegetatiue.
 Metaux, pierres, & atraments
 Le procree des elements:
 D'eux ie fais celle mixtion
 Et prime composition.

Degrez
 de plu-
 sieurs
 choses
 naturel-
 les.

Leans au ventre de la terre,
 N'ailleurs oncques ne les doibs querre.
 Les herbes ont graines expressez,
 Pour conseruer cy les especes:
 Et les bestes portent semence,
 Dont ils engendrent leur semblâce.
 Brief, chacun faict bien son deuoir,
 Sans me tromper ne deceuoir,
 Mais toy homme tout plein de vice,
 Entreprenant sur mon office,
 Tu te deuoye de nature,
 Plus que nulle autre creature.

La nature
 & origine
 des me-
 taux &
 pierres,

Metaux n'ont vie nullement,
 Ne nourriture aucunement,
 Pour pululer & augmenter,
 Ny nul pouuoir de vegeter.
 Ils n'ont semence generable.
 Aussi n'engendrent leur semblable.
 Ils sont creez en prime instance.
 Des elemens & leur substance:
 De ces quatre ie les fais naistre.
 Les metaux & pierres n'ont qu'estre.
 Toutes les pierres sont frangibles,
 Et tous les metaux sont fusibles:
 Apres leur fusion, fixables
 Doiuent estre & bien malecables.
 Les vns par depuration
 Reçoient grand perfection,
 Comme l'or fin, par mon art gent.

Que ie depure & fin argent.
 Mais les autres plus impurs sont:
 Pource que le vif argent ont
 Trop crud, & leur sculphre terrestre
 Trop aduste. Si ne peult estre
 Tel metal mis en pureté.
 A cause que n'a merité
 La matiere forme si bonne:
 Cartous mes faictz tant bien i'ordonne
 Que chacun son espece ameine,
 Selon que la matiere est saine.

Si sçavoir veux où ie reconure
 Matiere à ce tout premier i'ouure
 Le cabinet de mes secrets
 Par outils subtils & discrets,
 Et vays chercher propre matiere
 Prochaine pour faire miniere:
 Laquelle ie prens és boyaux
 De mes quatre elemens royaux,
 Qu'est la semence primitive,
 Contenant ferme substantie
 En simplicité composée,
 Preparée & bien disposée
 A transmuier les quatre en un.
 Sous genre general commun.
 Lors luy donne, tant suis benigne,
 Par mon art vertu metaline,
 Dont sont faictz metaux purs impurs,
 Les uns mols, les autres plus durs.

Matiere
des me-
taux.

Je l'ay des elemens extraicte
 Par mes ciels l'ay ainsi pourtraicte,
 Laquelle par long temps ie meine
 De la matiere primeraïne
 En prochaine & propre matiere
 Dont ie fabrique ma miniere.

Puis soulfhre & vis argent en issent
 Qui en metaulx se conuertissent.
 Non pas tel vis argent & soulfhre
 Que tu vois: iamais ne le souffres
 Car par contraires qualitez
 Sont transmuez & agitez
 De leur propre en autre nature.
 Matiere ainsi par pourriture
 Et idoine corruption,
 Au moyen de priuation,
 Que la forme premiere tue,
 Puis de nouvelle est reuestue:
 Et par la chaleur naturelle
 Qui la matiere tient en elle
 Excitee de tous les cieux,
 Avecques le feu gracieux
 Que ie sçay en ma forge faire,
 Forme ie donne sans forsaire,
 En fin telle que la matiere
 Est bien susceptible & la tire.

Priuatiō, Ainsi priuation, & forme,
 forme & Et matiere, dont ie m'informe
 & matie- Sont mes principes ordonnez,

Que d'en haut me furent donner:
 C'est mon maistre le Createur
 Qui commanda comme vn aucteur
 Que de matiere vniuerselle,
 Je fisses comme son ancelle,
 Transmuer les quatre elemens
 Par mes actes & regimens
 Soubs vne forme generale
 De toute espeece minerale.

Si fais par mon art naturel.
 Circonferer le beau Soleil
 En vingt & quatre heures la terre:
 Lequel iamais ne fault ny nerre,
 D'exciter par son mouuement
 Chaleur en chacun element:
 Aussi faict la huitiesme Sphere,
 Les sept planettes, & leur pere,
 Qui est le grand premier mobile
 Lequel raxist, tant est habile.
 Auecques luy les Spheres toutes:
 Et n'y faut point faire de doubtes.
 Son chemin faict en occident:
 Et les autres sans accident.
 Font au contraire tous leurs cours.
 Si conduis les longs & les cours,
 Comme Saturne, qui son temps
 Et son corps parfaict en trente ans.
 Iupiter en douze ans le faict,
 Et Mars en deux ans le parfaict.

Mouue-
 ment des
 Cieux.

Saturne.
 Iupiter.
 Mars.

Le Soleil. Le beau Soleil pere de vie
 Sa circonference assouvie,
 En passant par un chacun signe
 Iustement un an y assigne
 Et six heures, pour tout le compte.

Venus. Venus, dont on faict si grand compte.
 Met trois cens quarante & neuf iours
 Et puis Mercure faict son cours
 En trois cens trente neuf en somme.

La Lune. La Lune, prochaine de l'homme,
 Vingt & neuf & demy demeure
 A passer les douze & quelque heure,
 Et ainsi par leurs cours diners,
 Sont causez, estez & yuers.
 Es elemens mutations,
 Et ça bas generations.
 Et iamais rien, qui soit sensible
 Ou soit visible ou innisible.
 Ne peut estre, ne auoir lieu
 Sans moy, sans les cieux, & sans Dieu.
 Ainsi font les cieux toutes choses
 Qui sont deffous la Lune encloses,
 Et enuoyent leur influence
 Sur la matiere en sa puissance.
 Et la matiere forme apperte,
 Comme femme l'homme soubaitte.
 Tant d'estoilles sont au ciel mises,
 Soubz qui matieres sont submises
 Et subiectes en diuers nombres.

Vnes sont claires, autres sombres:
 Tant & tant sont innumerables,
 Que ce sont choses admirables.
 Ainsi diuerſes choses font
 Pour tant de diuers cours quels ont
 Là ſus au ciel, ça bas vertus
 ſus elemens: dont ſont veſtus
 D'eſpeces les indiuidues.

Et ſçaches que ne ſont perdues
 Tant d'influences nullement
 Quand deſcendent ſur l'element
 De la terre, poſé quels ſoyent
 Inuiſibles, & ne ſe voyent,
 Et qu'auant quels tumbent ſur terre
 Sont ſi preſſez & en tel ſerre,
 Que par force l'une & l'autre entre
 En penetrant inſques au centre.
 En ſi tres diuerſe maniere
 Qu'elles font dedans la maniere
 Diuerſes generations.
 Par diuerſes impreſſions,
 Sans erreur & ſans nulles fautes
 Obeiffants les baſſes aux hautes.

Si eſt la terre enuironnée
 Des cieux, dont elle eſt ornee,
 En receuant leurs influences
 Et tres agreables ſubſtances.
 Dont ſa vertu chacun veut mettre
 Et inſques au centre penetrer,

Influences.

Vapeurs
& exha-
lation.

Et par mouuemens & chaleurs
S'engendrent en terre vapeurs.
Aussi font exhalations
Des primes compositions.
La vapeur, est froide & humide.
Voire que demeure & reside
Et est en terre retenue:

La 'pro-
chaine
matiere
du soul-
vis argent
metallh-
ques;

Mais si elle va en la nue.
Humide & chaude pourra estre.
L'autre, que demeure terrestre
Et qu'est enfermee & enclose,
Par laps de temps ie la dispose
En soulfhre, qui'est son agent,
Avec son passif vis agent.
Lors est seconde mixtion
De prime composition.
Le tout est tiré de la masse
Des quatre elements que i'amasse
Comme t'ay ja dict cy denant.
Et pour toy i'en parle souuent,
Afin que point tu ne t'abuses
Et qu'en pratique ne t'amuses.

Après la putrefaction,
Se fait la generation.
Par chaleur, qui est annexee
Dedans l'œure ja commencee,
Tres-amiable, sans ardeur,
Afin d'eschauffer la froideur
Du vis argent: lequel tant souffre

Qu'il est fait vn avec son soulfhre
 Le tout en seul veiffeau compris
 Le feu, l'air, & l'eau, que ie prins
 Dedans son terrestre vaisseau,
 Qui teus sont en vn seul fourneau.
 Je cuis lors, dissouls, & sublime.
 Sans marteau, tenailles, ny lime,
 Sans charbon, fumier, baing marie,
 Et sans fourneau de soufflerie.
 Car i'ay mon feu celestiel,
 Qui excite l'element tel
 Selon que la matiere appet
 Forme telle qui luy compete.

Ainsi mon vif argent ie tire
 Des elements & leur matiere.
 Puis son soulfhre le suit de pres,
 Comme tout vn, qui par expres
 L'eschauffe petit à petit
 Doucement à son appetit.
 Lors froit se fait chaut vertueux,
 Et le sec, humide vntueux.
 Or entens par hic & par hec,
 L'humide n'est poinct sans son sec,
 Ne le sec aussi sans l'humide:
 Car l'un avec l'autre reside
 Sous vne essence primitive,
 Qui est l'elementarine.
 L'esprit & la quinte-essence,
 Dont nostre enfant prent sa naissance.

Alias
Le feu
l'enfante
certes
nourrist.

Le feu l'enfante & le nourrist.
Dedans l'air:mais avant pourrist.
Au ventre de la vierge terre,
Puis en vient l'eau qu'on doit querre,
Qui est la matiere premiere
Dont ie commence ma maniere.
Car vn contraire circonstant,
Son contraire est fort resüstant
En se fortifiant de sorte.
Non tant que l'argent ne l'emporte,
Lors est le passif transmué,
Et de sa forme desnüé.
Par l'appetit de la matiere

Le pou-
voir de
nature, &
ses instru-
mens.

Que tousiours neufue forme attire.
Du premier ciel & grand moteur,
Est mon sçauoir gubernateur,
Mes mains sont la huitiesme Sphere,
Ainsi que l'ordonna mon pere:
Mes metaux, sont les sept planettes
Dont ie forge choses si nettes.
La matiere dont fais ouurages,
Pierres, metaux, arbres, herbages,
Bestes brutes & raisonnables.
Que sont les œuvres tres-loüables,
Generalement toutes choses,
Que sont dessous le ciel encloses,
Je la prens, & point ie ne ments,
Seulement és quatre elements.
C'est la matiere primeraine,

Cahos, byle: c'est domaine
 Dequoy ie fais iouyr le Roy.
 Et la Royne, & tout son arroy.
 Le Cheualier est tousiours prest
 Et la chambriere fait l'apprest.
 Et tant plus est noble la forme,
 Et plus noblement m'y conforme.
 Sache que i'ay toutes puissances
 De substanter toutes essences.
 Et de les faire consister,
 Et forme en matiere exciter.

Or notez bien les trois parties
 Que de la masse sont parties
 Que Dieu fist au commencement
 De la pure, premierement,
 Il crea Cherubins, Archanges.
 Les Seraphins, & tous les Anges:
 Et de la moins pure & seconde,
 Il crea les cieux & la ronde:
 Et de la tierce part moins pure.
 Les elements & leur nature
 Il crea: Mais le feu premier
 De vertu voulut premier.
 Et le mist haut deffous la Lune,
 Corruption ne tient aucune
 En soy, mais tient de quinte essence
 La plus pare part en puissance.
 Et puis l'air tres-subtil il fist.
 Et de la quinte-essence y mist,

Division
 de la mas-
 se & pre-
 miere ma-
 tiere.
 Esprits.

Cieux.

Elemens.
 Le Feu.

L'air.

Non

L'eau Non tant comme au feu: puis fist l'eau
 Qui est un visible & tres beau
 Element: quinte-essence tient.

La terre. Autant comme elle appartient:
 Et puis la terre voulut faire,
 Afin de son vouloir parfaire:
 Combien qu'en un petit moment
 Il aye faitt chaque element,
 Et les cieux & toute nature:
 Qui suit la prime creature.
 La terre grosse opaque fist,
 Où chacun trouue du profit,
 Que contient en soy sans doubance
 La moindre part de quinte-essence.

Les qua- Premier furent simples notez,
 litez des En leurs sphares elements-tels,
 elements. Si est l'air proprement humide:
 Appropriement le feu l'ayde:
 Et l'eau est froide proprement,
 Et humide appropriement,
 Que de l'air elle prent & pesche:
 La terre proprement est seiche,
 Appropriement froide elle est
 Quelle prent de l'eau: si faitt prest
 Au feu de sa grande siccité.
 Mais comme ie t'ay recité.
 Le feu est noble & sur tout maistre,
 Et est cause de faire naistre,
 Par sa chaleur, & donner vie.

Mais si faat-il que ie te die,
 Qu'il n'est nul element actif,
 Qui peust agir sans le passif.
 Comme le feu en l'air agist,
 Aussi l'air sur l'eau reagist
 Et l'eau agist en l'air & terre.
 Quand le feu veut esmouuoir guerre.
 Or est terre mere & nourrice
 De toutes choses, & tutrice.
 Ce que sous le ciel pourrira,
 Si elle enfante nourrira,
 Ce que chaleur luy met au ventre
 Et ne cesse iusques au centre
 Incessamment de gouverner.
 Tant m'a voulu Dieu honorer,
 Qui m'a donné telle puissance,
 Que ie fais à la quinte-essence
 Reduire tous les quatre arriere.
 Lors se dist matiere premiere
 Meslee generalement
 Et par tout chacun element.
 Par mon art fais reductions,
 Dont viennent generations.
 Mais les especes reuenues
 Sont en la masse contenuës.
 Pource cil qui reduire veut
 Les elements, certes il peut
 En la matiere primeraïne,
 Sans moy, quelqu'e labour & peine

Actions
 & passions
 des ele-
 mens.

Al. De
 chaleur
 que &c.
 Al. Ge-
 nerer.

Reduction
 des ele-
 ments en
 premiere
 matiere.

Al. rete-
 nus.

Qu'il :

Qu'il sceust prendre & se deult tuer:
 Car en moy est de transmuier
 Leurs espee & leurs elements.
 Si tu dis autrement, tu ments.
 Tu ne scaurois, quant à substance,
 Approprier propre influence,
 N'y en rien proportionner
 Les elements, ou leur donner
 La forme, selon le merite.
 Que la matiere bien merite.

C'est moy qui forme creature,
 Et donne matiere & nature:
 Je fais par mes secrets celestes
 Ouvres parfaittes & honnestes.
 Dont aucuns voyans mes oracles,
 Les ont iugez quasi miracles.
 Comme il appert en l'elixir,
 Dont tant de biens on voit issir.
 Car les vertus & qualitez
 Qu'il ha ie les ay imitez:
 Ny oncques nul art mechanique.
 N'eut le scauoir ou la pratique,
 D'auoir multiplications
 Et si tres-nobles actions.
 Se doit l'homme prudent & sage
 Considerer que tel courage,
 Telle vertu, telle science
 Ne se peut sans l'intelligence
 Des corps celestes, à fin duiure,

L'elixir:

*Et sans leur puissance conduire:
Autrement seroit abuser.*

*Qui voudroit sans moyen user,
On prendroit il son influence,
Pour infuser telle substance?
Comme feroit la mixtion,
Et la vraye proportion
Des Elemens? nul n'y a signe,
Comme bien le dict Auicenne,
En son De viribus cordis,
Au deuxiesme: voicy ses dictz:
Vivons tant que vivre pourrons,
Telle œuvre entendre ne scaurons
Comme de proportionner
Elements & mixtionner,
Ainsi le dict: bien m'en souvient:
Iamais nul homme n'y a duient.
C'est vn secret à moy donné,
Qui n'est à l'homme abandonné:
Car par mes vertus souvent fais
Que imperfects deuiennent parfaits:
Soit vn metal ou corps humain,
Je le parais & rends tout sain,
Je fais temperance infuser,
Et les quatre symboliser:
Des contraires, ie fais accords
Où iamais il n'y a discords.
C'est la belle chaine doree,
Que i'ay circulant decoree.*

Nature
donne
santé.

Par mes vertus celestielles,
 Et leurs formes substantielles.
 Tellement & si bien i'y œuvre
 Que tout mon pouuoir se descœuvre,
 Voire si noble & si parfait,
 Que d'homme ne seroit point fait
 Sans moy, sans mon art & sçauoir,
 Quelque bon sens qu'il sceut auoir.

Vien ça, toy qui dis sçauoir tout,
 Et qui entens venir à bout
 De ma science tant notable,
 Disant, ie feray l'or potable
 Par feu de charbon, baing marie
 En mes fourneaux: Sainte marie!
 Le m'esbahis de ton erreur:
 Par ta foy n'as-tu point d'horreur,
 En considerant mes ouvrages,
 Et voyant cuire tels breuuages
 Dedans tes vaisseaux & phioles,
 Plus creuses que ne sont violes,
 Du temps perdu & des despenses?
 Je ne sçay moy à quoy tu penses,
 Mon fils: aye pitié de toy
 Je te supplie, & pense à moy.
 Entends bien ce que te diray:
 Car de ri en ie ne mentiray.

Regarde un peu, escoutes or,
 Et tu verras bien comme l'or,
 Qui est si noble & precieux,

A prins

A prins sa belle forme és cieux,
Et sa bonne matiere en terre:
Si faict la belle gemme & pierre,
Comme Rubis & Dyamants.
Tout se faict des quatre elements,
Quant à matiere: & quant à forme.
Le ciel la qualité informe
En l'element ja contenuë,
Par qui la forme est deuenue
Noble par depuration
Et long temps en perfection.
Et toutesfois, telle noblesse,
Comme d'or & d'autre richesse,
Se faict par moy, i'en suis l'ouuriere:
Nul homme n'en sçait la maniere.
Et, l'entendant, si ne sçauroit
Dire comment il se feroit,
Ne quelle proportion prendre
Des elemens, ny bien entendre
Combien de feu, d'air, d'eau & terre
Sy est requis, ny où les querre,
Ne bien mesler aucun contraire,
Non plus que les substances attirer:
Ny donner telles influences
Qu'il conuient à telles essences.
Seulement si faire vouloit
Du fer, ou plomb, il ne sçauroit:
Non pas la chose que soit moindre:
Iamais homme n'y sçent atteindre.

Comme doncques fera-il l'or,
 S'il ne me robbe mon thresor?
 Ce n'est au pouuoir de son art.
 Et si le dict, c'est vn coquart:
 L'entens par son art mecharique,
 Il faut qu'il sçache ma pratique,
 Laquelle est naturelle, en somme,
 Et que ne se faict de main d'homme.

Or doncques, si l'or est si bon
 Et se faict sans feu de charbon,
 Et s'il est si noble tenu,
 Que sur tous est le mieux venu,
 Et que chacun en faict thresor,
 Tant les humains estiment l'or,
 Toutesfois il ne garist mie
 Les metaux, ny la ladrerie,
 Ny ne faict transmutation
 Des metaux en perfection.
 De fin or, ne n'est si notable
 De faire verre malleable,

Vertus de la pierre
 Philoso-
 phale.
 Comme faict la tres-noble pierre
 Des Philosophes, qu'on doit querre.
 Si est l'or, quant aux metaux, faict
 Par moy le plus noble & parfait.

Ainsi donc, si tu ne sçais faire
 Vn peu de plomb, à l'exemplaire
 De moy, ou quelque petit grain,
 Ou de quelque herbe vn tout seul brin,
 Qu'encor moins faire du fer,

Comment te veux-tu eschaulfer
A faire ce qui est plus noble,
Et dont on fait ducat & noble?
Et si tu dis, ie ne veux mie
Faire l'or, mais bien l'Alchymie:
Le respons à toy non sçauant,
Que tu es plus fol que deuant.
N'as-tu entendu que i'ay dict
Que mon secret t'est interdit?
Car ce que se faict par nature,
Ne se faict point par creature.
Et qui plus est, si l'or i'ay faict
De sept metaux le plus parfaict,
Ce que tu ne sçauois entendre
Comment oses-tu entreprendre
De vouloir faire par tels faicts
Ce que parfaict les imparfaicts,
Et en qui i'ay mis la puissance
De transmuier toute l'essence
Des metaux, en bon & fin or,
Et ce que ie tiens en thresor
Le plus cher que Dieu m'a donné?

Or es-tu bien desordonné,
Si tu ne cognois & entends
Que ce haut bien, où tu pret ends
En tant qui touche à creature,
Est le grand secret de nature,
Soit en metal, pierre, herbe, ou beste.
Qui descend de veru celeste.

Bien il y pert: car il guarist
 L'homme de tous maux: & nourrist.
 Il parfaict metaux imparfaicts,
 Par ses vertus & hautains faicts
 Que i'y mets par mon grand sçavoir,
 Et du thresor de men auoir.
 S'il est donc si parfaict en soy
 Qu'il n'en est vn pareil, dis moy
 S'il ne fault que telle science
 Vienne de haulte intelligence:
 Veux que nul ne scait faire l'or,
 Et que cestuy est le thresor
 Des thresors, voire incomparable?
 C'est vn erreur irreparable:
 Car si tu ne peux porter dix
 Et veux porter cent, ie te dis
 Que tu te tue cœur & corps
 Ce faisant: sçache ces efforts.

Mon fils, c'est toute ma science,
 Mon haut sçauoir, & ma puissance,
 Que ie prens & cieux simplement,
 Et le simple de l'element:
 C'est vne essence primitive
 Et quinte en l'elementatine,
 Que ie fais par reductions,
 Par temps & circulations
 Conuertissant le bas en hault,
 Froid & sec en humide & chault,
 En conseruant pierre & metal

Sous son humide radical.
 C'est par le mouvement des cieux:
 Tant sont nobles & precieux.
 Et sçaches que les elements
 Ont des cieux leurs gouuernemens,
 Obeissans par conuenance,
 Elements à leur influence,
 Et plus est pure ma matiere,
 Plus suis par les cieux grande ouuriere.

Cuides-tu que sus ton fourneau,
 Où sont mis ta terre & ton eau,
 Et que par ton feu & chaleur,
 Par ta blanche ou rouge couleur,
 Tu face de moy ton plaisir.
 Pour paruenir à ton desir?
 Cuides-tu les cieux esmouuoir
 Et leurs influences auoir,
 Pour insuser dedans tes drogues?
 Cuides-tu que ce soyent des orgues,
 Qu'on faict chanter à tous les doits?
 C'est trop cuider en ton lourdois.
 Ne sçais-tu bien qu'au mouvement
 Des cieux est vn entendement,
 Qui ha ça bas intelligence,
 Et qui faict, par son influence,
 A toutes choses auoir estre?

Cy te prie vouloir cognoistre
 Que hautes choses de haut lieu
 Procedent de moy, de par Dieu:

Et ne cuide qu'art manuel
 Soit si parfaict que naturel:
 Car son sens est trop nud & linge:
 Si me contrefait comme un singe.
 Pense-tu que pour distiller,
 Ou pour dissoudre, & congeler
 De ta matiere en ton vaisseau,
 Ou pour tirer de l'huile l'eau,
 Soit que belle & claire la voyes
 Que tu ensuyues bien ma voye?
 Mon fils, tu es trop abusé:
 Car quand ton temps auras usé
 A faire tous les meslemens,
 Et separer les elemens,
 Ton huile, ton eau & ta terre,
 Tu n'as rien faict, certes tu erre.
 Sçais-tu pourquoy? car ta matiere
 Ne scauroit demie heure entiere
 Soustenir du feu la chaleur:
 Tant est de petite valeur:
 Toute s'en ira en fumee,
 Ou en feu sera consommee.

Mais la matiere dequoy i'œuvre:
 Est infailible à toute espreuve,
 Quelque feu ardent que ce soit
 Ains du feu tout son bien reçoit,
 Et si vient l'eau de seiche fource,
 Que rien ne mouille qu'elle touche,
 Ny ne s'en vole, ny recule,

Ne sen huile iamaïs ne brusle:
 Tant sont mes elemens parfaits.
 Ainsi n'est de ce que tu fais:
 Aussi n'est ce pas ton office
 De manier mon artifice.

Pour conclusion ie te dis,
 Si tu veux bien noter mes dicts,
 Ie ne te veux point abuser,
 Que tu ne scaurois infuser,
 Par ton feu artificiel,
 La grand chaleur que vient du ciel:
 Ny par ton eau huile, & terre.
 Tu ne scaurois matiere acquerre
 Que peut recevoir influence,
 Pour luy donner telle substance.
 C'est don de Dieu, donné és cieux
 Aux elemens à qui mieux mieux
 Conserué en la simple essence,
 Dont nul que moy n'a cognoissance,
 Fors l'homme, qui en moy se fie,
 Et qui sçait bien Philosophie.

Mon fils, ie ne diray qu'un mot:
 Ce sçait le createur qui m'ot,
 C'est que l'œuure se faict entiere
 D'une seule & vile matiere
 Homogenee, en seul vaisseau
 Bien clos & en un seul fourneau,
 En soy contient qui la parfaict.
 Et par seul regime se faict.

L'œuure
 de la pier-
 re Philos.

Or voy la generation

De l'homme & sa perfection,
Ou tout mon sens y abandonne,
Et le sçavoir que Dieu me donne:
Car faire sçais d'une matiere

De l'hom- L'espece humaine non entiere
me voyez- Je forme le corps seulement,
le feui! :8. Voire si tres-subtilement,

Que Platon, aussi Aristote,
N'y entendirent iamais note.
Je fais os durs, dents à macher,
Le foye mol, aussi la chair,
Les nerfs froids, le cerneau humect,
Le cœur chaud, ou Dieu vie mect,
Les boyaux, & toutes les veines,
Arteres de rouge sang pleines.

Brief, le tout d'un seul visf argent,
Masculin soulfhre tres-agent;
Fais un seul vaisseau maternel,
Dont le ventre en est le fournel.
Vray est que l'homme par son art,
M'ayde fort, quand en chaleur ard,
En infusant en la matrice
La matiere qu'y est propice:
Mais autre chose n'y sçait faire.
Ainsi est-il de ton affaire:
Car qui sçait matiere choisir,
Telle que l'œuvre en ha desir
Bien preparee en un vaisseau

Fort clos, & dedans son fourneau
 Le tout fourny, plus ne differe.
 Car toy & moy devons parfaire:
 Pourueu que chaleur tu luy donne,
 Comme Philosophie ordonne.
 Car là gist tout: ie t'en aduise.

Pourtant faut bien que tu y vise:
 En feu que l'on dit epsefis,
 Pepsis, Pepansis, opsefis.

Feu naturel contre nature,
 Non naturel, & sans arsure,
 Feu chaud & sec, humide & froit,
 Penses y & le fais adroit.

Sans matiere & sans propre feu,
 Tu n'entreras iamais en ieu,
 La matiere ie la te donne:
 La forme sans que tu l'ordonne,
 Ie ne dis pas substantiale,
 Ny aussi forme accidentale:
 Mais forme de faire vaisseau,
 Et de bien fermer ton fourneau.
 Fais par raison ce qui est propice,
 Et par naturel artifice.

Ayde moy, & ie t'ayderay:
 Comme tu feras, ie seray:
 Ainsi que i'ay fait à mes fils,
 Dont ils ont receu les proufits:
 A cause que sans vituperes
 Ont ensuyui & mere & pere,

La Pierre
 Philo. est
 faicte par
 nature &
 art.

Feu.

C'est à di-
 re, cha-
 leur con-
 uenable
 à faire
 bouillir,
 digerer,
 meurir,
 & rostir.
 Aristo. au
 4. des me-
 teor. faict
 mention
 de ces 4.
 especes
 de cha-
 leur.

Obeysans à mes commands.

Comme tu peux veoir és Romans

De leand de Meug qui bien m'appreue,

Et tant les sophistes repreue:

Si fait Ville-neufue, & Raimon,

Qui en font un notable sermon,

Et Merien le bon Romain,

Qui sagement y mist la main:

Si fist Hermes, qu'on nomme pere,

A qui aucun ne se compare:

Geber Philosophe subtil.

A bien usé de mon oustil,

Et tant à escript de beaux dictz,

Et d'autres, plus que ie ne dis,

De ceste tres-noble science:

Lesquels ont par experience

Prouué que l'art est veritable,

Et la vertu grande & loüable.

Tant de gens de bien l'ont trouuee,

Qui veritable l'ont prouuee

Dont ie me tais pour abreger.

Or mon fils, si tu veux forger

Et commencer œuvre si noble,

Il ne te faut ducat ny noble

Au moins en grande quantité:

Suffist que sois en liberté,

Et en lieu qui te soit propice,

Que nul sçache ton artifice.

Prepare à droict bien ta matiere

Toute seule mise en poudriere
 En seul vaisseau, avec son eau,
 Bien close, & dedans son fourneau,
 Par un regime soit menee
 D'une chaleur bien attrempée,
 Laquelle fera l'action:
 Et froid la putrefaction:
 Car pour grande frigidité
 Ne scauroit tant la siccité
 Resister contre tel agent,
 Que ne soit tost le vif argent,
 Par connexion ordonnée,
 Faict un subiect homogenee
 Reduit en premiere matiere.

Alias
 Commix-
 tion,

Soit ton intention entiere
 D'ensuiure ta mere nature:
 Que raison soit ta nourriture
 Ta guide soit Philosophie.
 Et si tu le fais, ie t'asse
 Tu auras matiere & moyen
 De paruenir à ce haut bien.
 Et de chose qui bien peu cousse
 Tu ouvreras, mais que tu gousse
 Mes principes. Voy comme i'ouure
 Regarde l'Aristote, & enure
 Le tiers & quart des metheores:
 Apprens Physique, & voy encores
 Le liure de generation,
 Aussi celuy de corruption.

Le liure du ciel & du monde,
 Où la matiere est belle & monde.
 Car si tu ne vois & entends,
 Certes mon fils tu perds le temps.
 Et pour mieux sçauoir les manieres,
 Voir te faut celuy des minieres
 Que fit mon gentil fils Albert,
 Qui tant sceut, & tant fut expert
 Qu'en son temps il me gouuernoit,
 Et de mes faicts bien ordonnoit:
 Comme il appert en celuy liure.
 Or doncque, si tu es deliure,
 Es minieres souuent liras,
 Et là de mes secrets verras
 Que nulle pierre ne s'engendre
 Que des elements par son genre.

Apprens, apprens à me cognoistre
 Premier que de te nommer maistre.
 Suis moy, qui suis mere nature
 Sans laquelle n'est creature,
 Qui peust estre, ny prendre essence,
 Vegeter, monter en croissance,
 Ny auoir ame sensitive,
 Sans ciel & l'elementatine.
 Et pour cognoistre tels effects,
 Il te conuient porter le faiz
 D'estudier & trauailler
 En Philosophe & veiller.
 Et si tu sçais tant par ses vs

Que tu cognoisses les vertus
 Des cieux, & leurs grands actions:
 Des elements les passions,
 Et parquoy ils sont susceptibles:
 Qui sont les moyens convertibles:
 Et qui est cause de pourrir,
 Et d'engendrer, & de nourrir:
 De leur essence & substance.
 Tu auras de l'art cognoissance.
 Combien que suffit seulement
 D'auoir un bel entendement,
 En considerant mes ouvrages.

Mais n'ont pas eux tous clers & sages:
 Ce don de Dieu par leur science:
 Ains ceux de bonne conscience,
 Qui m'ont suivie avec Raison,
 L'ont eue par longue saison,
 En ayant patience bonne,
 Attendans le temps que j'ordonne.

Fais doncques ce que te dû or',
 Si tu veux auoir le tresor
 Qu'ont eu les vrayz Physiciens,
 Et Philosophes anciens,
 C'est le tresor & la richesse,
 De plus grand' vertu & noblesse
 Que puis les cieux iusques en terre,
 Par art l'homme pourroit acquerre.
 C'est un moyen entre Mercure
 Et metal que ie prens en cure:

La pierre
Philo. est
faicte par
nature &
art.

Et par ton art, & mon sçauoir,
Par faisons un si noble auoir.
C'est le fin & bon or potable,
L'humide radical notable,
C'est souveraine medecine,
Comme Salomon le designe,
En son liure bien autentique
Que lon dict Ecclesiastique:
Et là tu trouueras le tiltre
Au trente-huictiesme chapitre:
Dieu la crea: en terre est prise:
L'homme prudent ne la desprise.
Il l'a mise dans mes secrets:
Et la donne aux sages & discrets.

Contre
les mo-
queurs
de ceste
science.

Combien qu'ils sont maints orateurs,
Et qui se cuident grands docteurs
En tres-haute Theologie,
Sans la basse Philosophie,
Qui en sont par tout reur risee:
Des medecins est desprisee,
Qui se moquent de l'Alchymie.
Las ils ne me cognoissent mie,
Et n'ont pas faiet de l'art esprenue,
Comme Auicenne, & Villo-nensue,
Et plusieurs grands Physiciens,
Bons Medecins tres-anciens.
Tel s'en moque qui n'est pas sage
Et qui n'a pas veu le passage,
Que bons Medecins ont passez.

Les moqueurs n'ont pas sceu assez
 Pour cognoistre telle racine
 Et tant loüable medecine,
 Que guarist toute maladie,
 Et qui l'a, iamaï ne mendie,
 Bien est heureuse la personne
 A qui Dieu temps & vie donne.
 De paruenir à ce haut bien,
 Et posé qu'il soit ancien:
 Car Geber dist, que vieux estoient
 Les philosophes qui l'auoyent,
 Mais toutesfois en leurs vieux iours
 Ils iouissoient de leurs amours.
 Et qui la possède, largesse
 De tous biens ha, & grand'richesse.
 Seulement d'une once & d'un grain
 Toustiours est riche, & toustiours sain.
 En fin se meurt la creature,
 De Dieu content & de Nature:
 C'est medecine cordiale,
 Et teincteurs plus qu'aureale.
 C'est l'elixir, l'eau de vie,
 En qui toute ceuvre est assouie.
 C'est l'argent vis, le souphre & l'or.
 Qui est caché en mon thesor.
 C'est le bel huyle incombustible.
 Et le sel blanc fix & fusible.
 C'est la pierre des Philosophes,
 Qui est faite de mes estoifes:

Louange
 de la pierre-
 re Phil.

La pierre Ny par aucune geniture
 Philo. est Trouver se peut que par nature
 faite par Et par art de sçauoir humain
 nature & Qu'il administre de sa main.
 Et. Je le te dis ie le t'anonce,
 Et hardiment ie le prononce,
 Que sans moy qui fournis matiere,
 Tu ne feras onc oeuvre entiere:
 Et sans toy, qui sers & ministre,
 Ie ne peux seule l'oeuvre tistre.
 Mais par toy & moy, ie t'assure
 Que tu auras l'oeuvre en peu d'heure.
 Laisse souffleurs, & sophistiques.
 Et leurs oeuvres Diaboliques.
 Laisse fourneaux, vaisseaux diuers
 Despris des errans Alchymis-
 tes. De ces souffleurs faux & peruers.
 Je te prie tout en premier,
 Laisse leur chaleur de fumier.
 Ce n'est profitable ny. bien:
 Non plus que leur feu de charbon.
 Laisse metaux & atramens:
 Transmuë les quatre elemens:
 Sous une espee transmutable,
 Qu'est la matiere tres-notable
 Par Philosophes designee,
 Et des ignaroi peu prisee.
 Semblable à l'or est par substance,
 Et dissemblable par essence.
 Les elemens convertiras,

*Et ce que tu quiers trouueras.
L'entends que les bas tu sublimes,
Et que les hauts tu fasse infimes.
Tu prendras donc ce vif argent
Mixte en son soulfre tresagent,
Et mettras tout en seul vaisseau
Bien clos, dedans vn seul fourneau,
Qui sera au tiers inhumé:
Garde qu'il ne soit enfumé:
Sur vn feu de Philosophie.
Fais ainsi, & en moy te fie:
Laisse donques toute autre especce,
Ie t'en supplie mon fils, laisse,
Et ne prens fors celle matiere
Dont se commence la miniere.
Plus ne t'en dis: mais ie te iure
Mon Dieu, qu'il faut suiure nature.*

F 2





LA RESPONCE DE L'ALCHYMISTE, à Nature.

Comme l'artiste honteux & doux
Est deuant Nature à genoux,
Demandant pardon humblement
Et la merçant grandement.

L'ALCHYMISTE.



*Atres-douce mere Nature
La plus parfaicte creature
Que Dieu crea apres les Anges
le vous rēds hōneur & louāges.
Que vous estes mere & maistresse
Gouuernante du macrocosme,
Qui fut creé pour microcosme.
Le premier, le monde se nomme:
Et microcosme en Grec, c'est l'homme.
Vous fustes tant estes habile,
Mise haut au premier mobile,
Qu'avec le doigt vous remuez
Et du pied à bas transmueç
Les elemens, soit paix ou guerre,*

Des faicts
de nature.

Insques

*Jusques au centre de la terre
Et le tout par commandement
De vostre maistre , incessamment
En faisant generations ;
Et si tresgrandes actions:
Par vos autres intelligences ,
Et non cerryptibles substances,
Des cieux, estoilles & planettes :
Dont se forment des choses nettes
Que l'on vous doit par tout clamer
Mere & Maistresse & bien aimer.*

*Je confesse ma chere Dame,
Que rien vivant ne vit sans ame,
Et ce qui est & a essence ,
Vient de vous & vostre puissance,
L'entens sous le pouuoir donné
De Dieu, qui vous fut ordonné.
Je cognois que vous gouuenez
Toute la masse , & demenez
La matiere des elemens
Tous des sous vos commandemens:
Car d'eux vous prenez la matiere
Et des cieux la forme premiere :
Combien que premier soit confuse
Celle matiere , non diffuse
Tant qu'elle soit qualifiee ,
Et puis par vous specifiee
Lors prend forme substantiale ,
Et puis visible accidentale.*

RESPONSE DE L'ALCH.

Dame, tant vous estes bien sage,
Que vous faictes tout ouurage
Par vos vertus celestiales,
Et vos formes tres-actueles,
En si parfaict & si bon ordre,
Que nul vivant n'y scauroit mordre,
Le regarde Dame honoree,
Que Dieu vous a tant decoree,
Qu'il a mis pour tous les humains
Ce qu'il leur faut entre vos mains.

Quatre degrez par vous fist maistre :

Degrez
des choses
naturelles.

Dont le premier si n'a fors qu'estre,
Que sont les pierres & metaux :
Le second, sont les vegetaux,
Qui ont astre, & vegetative:
Le tiers, si est la sensitive:
Comme bestes, oyseaux, poissons,
Qui ont trois diuerses façons:
Le quart fist en noble degré,

L'homme
Voyez au
L. 3^e.

Ainsi qu'il luy pleut, à son gré,
Plus parfaict de tous : ce fust l'homme,
Qui trois degrez en luy consomme:

L'ame hu-
maine.

Mais plus que vous, ma chere Dame,
Fit lors quand il luy donna l'ame,
Belle, & d'immortale substance,
Ornee d'intelligence,
Et sans nulles dimensions,
N'estant subiecte aux passions
De nostre corps, qu'est limité:

Mais l'a fait sensualité
 Tourner à mal & à peché
 Par le corps, qui est entaché
 De volupté desordonnée,
 Dont bien souvent est condamnée,
 Si grace n'y est impartie,
 Que de Dieu vient, plus en partie
 Pour la noblesse de ceste ame,
 Que pour le corps. Or doncques, Dame,
 La grand' perfection de l'homme
 N'est pas de vous: Mais ainsi comme
 L'avez dit à la verité,
 Vous ne forgez l'humanité:
 Mais au vaisseau qui est humain,
 Autre que vous n'y met la main,
 Qui est la plus parfaite essence
 De vostre œuvre & grande puissance.
 Sans mentir c'est pour aduoïer
 Quand on veut bien considerer
 Comme nos corps sont dinisez,
 Et si tres-bien organisez
 Tellement que par un obiect,
 Qui est le corps, tant est subiect
 A la volonté, que quand veut
 Un chacun des membres s'esment:
 Combien que volonté n'est pas
 De vous, ny de vostre compas
 Toutesfois c'est grande merueille
 Que ce corps pour l'ame travaille

Sensualité.

La volonté

Le corps

RESPONSE DE L'ALCH.

Comme subiect: & tel deult estre:
 Mais bien souuent il est le maistre,
 Mais il n'est pas par sa noblesse,
 Mais par le peché que l'ame blesse
 Or donc ne vous esbahissez
 Si ce que tant bien tapissez
 Et tenez plus parfaict, c'est l'homme,
 Est contraire à si noble forme
 Comme l'ame: & qui tant varie
 Contre raison. Soyez marrie
 Seulement de vos artifices,
 Et non de nos fautes & vices.
 Vous mesme n'avez-vous pensé,
 Et bien souuent encommencé,
 Cuidant vostre ceuvre estre bien faicte,
 Qu'en la fin estoit contrefaicte?
 Est-ce faute d'entendement
 Ou si ne pouuez autrement?

Dame, qu'il me soit pardonné,
 Si ie suis trop abandonné
 De parler sur vostre science.
 Je le prens en ma conscience
 Que ce n'est pas pour vous blasmer:
 Mais ne doutez qu'il m'est amer
 De ce que m'avez tant repris
 Où iamais n'auois rien appris.
 Helas Dame ie vous assure
 Que ie ne suis iamais vne heure,
 Sans penser à ce hautain bien,

Les mon-
 stres na-
 turels.

Lequel par vous ientens tresbien,
 Ou mieux que ne faisois alors
 Que vous me faisiés les records
 Et les reproches de mes fautes,
 En declarant choses si hautes
 De ce thesor digne & louable.

Soit en mon lit, soit en ma table,
 Incessamment deuant mes yeux
 I ay ce haut bien tant precieux,
 Et ne fais que penser. en somme,
 Quelle matiere, & quelle forme
 Je dois prendre pour commencer.
 Vous m'estes venue tencer
 Et reprendre fort aigrement:
 Pource que ne fais nullement
 Comme vous, belas, chere Dame,
 Vous scaués que ie nay ny ame
 Ne scauoir en moy, pour ce faire
 Je ne vous peux que escusesaire:
 Et ne scaurois pas bonnement
 En ce noble art faire autrement.
 Si vous ne m'aidiés par puissance
 De vostre scauoir & science.

Mait vous dictes, & dictes voir,
 Qu'à l'homme n'appartient scauoir
 Vos grans secrets & hautains faits:
 Comme donc porteray le fais,
 Et comment me pourray guider,
 Si vous ne me voulés aider?

La pierre
 Philos. se
 pa fait
 par nature
 & par art.

Puis dictes que vous dois ensuiure
 Il le veut bien : mais par quel liure ?
 L'un dit , prens cecy & cela :
 L'autre dict, non, laisse-le là,
 Leurs mots sont diuers & obliques,
 Et sentences paraboliques.
 En effect par eux ie voy bien
 Que iamais ie n'en scauray rien.
 Et pourtant à vous j'ay recours,
 Vous priant me donner secours,
 Et conseiller que ie dois faire,
 En ce tres-grand & rare affaire.

Cy demande ma chere Dame,
 Qui de bon cœur prie & reclame,
 Dictes par vostre conscience,
 En ensuiuant vostre science.
 Qui pourroit deuiler en terre,
 Et dedans la miniere enquerre
 Et chercher par subtile cure
 Des metaux le parfait Mercure,
 J'ay trouué, au moins c'il de l'or,
 Garder se doit comme un thresor.
 Mais ie doute quand on l'auroit
 Que ja metal ne s'en feroit:
 Et croy qu'il n'est homme tant sage,
 Qui de faire or seache l'usage:
 C'est à vous de faire telle œuvre:
 Experiment bien le decœuvre,
 Et vostre scauoir excellent,

Selon vostre dict, en parlant
 De la natiuité de l'homme.
 Nous voyons la maniere comme
 Le Mercure froid & humide
 Appette le soulfhre en son aide:
 C'est vn esperme homogenee,
 Duquel la creature est nee
 Apres le labeur terminé.

Or doncques, tout examiné,
 Vous prenez la propre matiere,
 Propre vaisseau, propre miniere,
 Propre lieu, & propre chaleur,
 Pour donner & forme & couleur,
 Pour pulluler & donner vie,
 Dont toute chose est assouvie.

Vous cognoissez, comme vne ouuriere,
 Le merite de la matiere.

Car agent ne prend action.

Qu'en disposee passion.

Subtilement scauez mesler

Chaud & froid, & puis demesler

Du sec l'humide, & du contraire

Scauez la qualité attraire,

Transmuant la premiere forme

Afin que la matiere informe

Forme nouuelle: car l'obiet

Est par la puissance subiect

Qui tousiours soustient la substance

En l'acte qui fut en puissance,

Alias.
 N'a point
 d'action.

Or

RESPONSE DE L'ALCH.

Or vous ayant ouy bien dire,
Mais mon parler ne peut suffire
A bien reciter vos sentences:
Et si i'auois vos grands potences,
Pour moy soustenir seurement,
Je parlerois bien proprement.
Car j'ay entendu qu'avez dict,
Que l'exilir, sans contredit,
Des quatre elemens se commence,
Contraires puis font alliance:
Et dites qu'il faut conuertir
Les elemens. Sans point mentir
Ce n'est pas ouurage de main,
Ny n'appartient à l'art humain
De conuertir les elemens.
Mais qui scauroit, par documens
Comme la qualité terrestre
Peut avec l'air prendre son estre
Symboliser avec froideur,
Et se conuertir en humeur,
Qui est à dire en son contraire?
Car l'humour ne se veut distraire
De l'element froid & humide,
Toutefois quelle a meilleure ayde
Du feu, par qui est anobly
Tout le compost. Et si n'oubly
Que c'est vn œuure naturel,
Qui se faict noir, blanc puis vermeil,
Ou trou couleurs sont euidentes

A trois elemens respondentes,
 C'est le feu, & l'eau, & la terre,
 Et l'air, qui bien les sçauroit querre

Puis vous dictes, sans nulle glose,
 Qu'il se fait d'une seule chose,
 A'un seul vaisseau, d'une substance,
 Car quatre ne font qu'une essence:

L'œuvre
 de la pier-
 re Philos.

Dedans cest vn, est en effect
 Ce qui commence & qui parfait.

Rien ne defaut en sa valeur,

Sinon un petit de chaleur,

Que l'homme administre par cure:

Prouoquant ce qu'elle procure,

Par vostre art & noble sçauoir:

Et tout ce qu'est besoin d'auoir,

En icelle seule matiere

Est en perfection entiere,

Qui la commence, & qui l'a fait

Qui la continue & parfait.

C'est tout ainsi comme d'un homme,

D'un cheval, d'un grain, d'une pomme.

Car en l'esperme retenue,

Est forme d'homme contenue,

Os, chair, sang, nerfs, poils sous la peau

Sont tous en ce petit troupeau.

Ainsi d'un grain, ou de semence

Chacun rapporte sa semblance:

D'homme vient homme, de fruit de fruit,

Et de beste, beste s'ensuit:

C'est

RESPONSE DE L'ALCH.

C'est vostre ordre qui point ne rompt,
 Qui est en vostre vaisseau rend:
 Vous voulez, par vouloir loüable,
 Que chacun face son semblable.
 Mais tel sçauoir & grand science,
 Procède de la sapience,
 De Dieu, qui veut qu'ainsi soit fait,
 Et vous donna en main ce fait,

Or sçay ie bien que quand le sperme
 Est clos dedans le vaisseau ferme
 De la femme, mais qu'il ne s'ouure,
 Que plus ne faut que l'homme y ouure,
 Ne qu'il adiouste ou domine
 Ny chose grosse ny menuë.
 Plus il ne s'en faut approcher,
 Pour ouurir, ou clorre, ou toucher
 Car au vaisseau est enclos tant
 Ce qui par fait iusques au bout.

Puis dictes que tout ainsi est
 De la pierre, que tant me plaist,
 Et qu'il ne faut qu'une matiere
 Toute seule mise en pouldriere,
 Laquelle contient l'air & l'eau
 Et la chaleur en son vaisseau,
 Et tout ce qui est necessaire
 Pour parfourrir ce noble affaire,
 Ny iamais plus toucher n'y fant,
 Ny autre chose n'y deffaut,
 Fors seulement y adiouster

*Vn petit feu pour exciter
La chaleur, qui est au compost:
Comme l'enfant, qui est en repos
En la matrice chaudement,
Ainsi est l'œuvre proprement.*

*Puis dictes & donnez entendre,
Au moins comme ie peux comprendre,
Qu'en elle est sa perfection:
Et si ne peut son action
Mettre à fin en si noble forme.
Si l'art humain ne s'y conforme:
L'entens art humain par science
De Philosophie & prudence,
Qui vienne des mains preparer
La matiere, puis separer
Le superflu, & mettre en verre
La composee & simple terre,
Qui n'est qu'un avecques son eau,
Et puis bien clorre le vaisseau
Dessus vn fourneau bien propice.
Voila tout quant à l'artifice:
Autre chose l'homme n'y peut.
Et face & die ce qu'il veut.*

*Mais lors vous qu'en estes l'ouuriere
Entree dedans la poudriere,
Après la preparation,
Faites la dissolution,
Et le sec en eau reduisez,
Et insques en l'air conduisez.*

La Pierre
Philos. se
faict par
nature &
art.

Alias, Le
froid en
chaud
conuer-
tissez.

Par

RESPONSE DE L'ALCH.

Par sublimation celeste;
Tant estes vous sage & honneste:
En fin, toute seule vous faiëtes
Ce que parfait choses imparfaites.

Et pourtant, madame Nature,
Vous estes prime geniture,
Quand vous faiëtes les meslemens
De tous vos quatre elemens,
Qui sont ensemble par essence,
Dont nul homme n'a cognoissance
Fors vous: ainsi l'ay entendu,
Et cela verray en temps deu,
Si Dieu plaist, & vous chere dame:

Je laisse le temps & le terme:
Reste de la matiere auoir,
Et de bien entendre & scauoir
Comment est tant noble & si bonne,
Et comment telle vertu donne
Si grands thresors & si parfaicts
Qu'elle parfaict les imparfaicts.

L'or. Madame, ie sçay bien que l'or
Est des minieres le thresor.
Toutesfois n'a forme ny matiere,
Qu'y ait puissance si entiere
De passer sa perfection.
Car il n'a si grande action
De pouuoir plus que soy parfaire,
Quelque art que l'homme y puisse faire.
Et qui me vouldroit opposer

Qu'il

Qu'il faudroit descomposer
Et le reduire en vis argent,
Cil seroit fol, & indigent
De bon sens, & de bon sçavoir:
Veu qu'il ne peut de l'or auoir,
Luy estant en sa propre essence,
Plus de vertu & grand puissance.
Qui pense donc l'homme esprouuer.
Au moins quand lon ne peut trouuer
Au tout, sinon ce qui y est?
C'est abus. Mais voicy que c'est:
Pour leur fantasie produire,
Ils disent qu'il conuient reduire
Par leur art & science arriere
Ce corps en premiere matiere:
Mais certes, dame, ie sçay bien,
Car tant m'auez appris de bien,
Que reduction ne se fait
De choses que vous ayez fait,
En espee, ou individue,
S'elle n'est premier corrompue,
Encore apres corruption
Ne se fait generation
De semblable espee, ou s'engendre,
S'il ne retourne en celuy genre.

Et si dy plus, que l'or destruire
N'est pas chemin de le construire,
N'y a mais homme ne sçaura
Refaire or quand deffait l'aura,

RESPONS DE L'ARCH.

L'entens deffaiect presuppōsé
C'est à dire decomposé,
Qui est chose tres difficile
Science faudroit tres subtile.

Pose qu'on le mist bien en pouldre:

Mais de cuider tant le dissoudre

Qu'en separast les meslemens

Que vous feistes des elements

En sa premiere mixtion,

Certes c'est une question

Que iamaïs bonne ne souldra,

Et die tout ce qu'il voudra.

Car il endure froid & chauld,

Ny de gros feu il ne luy chault:

Mais tant plus s'amēdis & affine

Et bien-affiné ne desfine:

Tant est parfaict en sa nature:

Et si est une creature

Des elements la plus prochaine,

Qu'en'a semence, sperme, ou graine

Où se face reduction

Après la putrefaction

Pour reuenir en son espeece:

Car sa matiere est trop espeece.

Mais l'or mort, là est mort son estre:

Ne de luy ne peut plus renaistre

Autre metal ny vis argent.

Pource ne se vente la gent,

Et diso, soubs ce mot notable,

Toute

Toute chose fait son semblable.
 C'est mal dict, quant aux mineraux:
 Mais bien est vray des vegetaux,
 Et des sensitifs vrayement:
 Car ils prennent nourriture
 Et nie, se sement & plantent:
 Les metaux iamaiz rien ne sentent,
 Et sont aussi grands au premier
 Comme ils sont en leur an dernier.
 Des elemens prennent leur estre
 Par vous en l'element terrestre,
 C'est sans semer & sans planter,
 Sans cultiuer ne sans arer.

Je sçay par vostre enseignement,
 Qu'en ne doit pratiquement
 Suiure les dictz des anciens
 Bons Philosophes tresciens:
 Mais seulement la theorique
 Et speculative pratique,
 Qui est vraye & essentielle
 Et qui est nature reale:
 Car en ce gist toute l'essence
 Et la matiere & la substance.

Bien me souuient qu'on me disoit,
 Qui sophistement m'induisoit,
 Qu'on tenoit pour grand Philisophe,
 Qu'il me falloit pour vraye estoffe
 Fors prendre le bel vis argent
 Tout crud, & estre diligent

RESPONSE DE L'ALCH.

De le mesler avecque l'or:
Car des deux se fait un thresor,
Quand bien sont ioinctz & accouplez,
Tresbien unis & assemblez,
L'un par l'autre se parfera:
Et disoit, qui ainsi fera,
Aura la pierre & l'elixir.

Mais premier il falloit yssir
Et separer les elemens
Et tous les quatre meslemens:
Et pour le mieux purifier.
Chacun à part ratifier
Il falloit, & puis les conioindre,
Et reünir le grand au moindre,
Et le subtil au gros remettre:
Ce faisant on seroit bon maistre,
Ce disoit, de faire la Pierre.

Mais maintenant ie sçay qu'il erre
En disant telles fantases
Ne parlant que par tromperies,
Dont les cerneaux de telles gens
Sont de bon sçavoir indigens:
Les gens trompent, & sont trompez:
Nul d'iceux tant soyent ils huppez,
Soit Philosophe, ou Medecin,
Rien n'y entend en tel brassin.

Bien me souuient, sans contredit,
Ma dame, que vous auez dict
Qu'à Dieu seulement appartient,

Qui est le createur, & tient
 Toutes choses dessous sa main,
 De creer, comme souuerain,
 Des elemens toute facture:
 Car c'est luy qui produict nature.
 Il sçait mesler par quantité
 Les elemens, la qualité
 Iustement proportionner,
 Bien conioindre & mixtionner
 Elemens & unir ensemble,
 Deuëment comme bon luy semble.
 Et n'est homme qui se peut faire,
 Ne qui sçeuist dire le contraire.
 Car il est luy seul createur,
 Et de tout bien le conducteur,
 Du monde n'est chose pourtraictte
 Que sans luy peut onc estre faitte.

Et se taisent tous les vanteurs
 Sophistes inuestigateurs
 De l'Alchymie, qui se vantent
 Qu'ils cueilliront & rien ne plantent:
 Qui sont, par calcinations
 Et par leurs sublimations
 Vt distillations estranges,
 eler en fumee les Anges,
 Coagulations iniques,
 Congelations Sophistiques.
 Croire au peuple & à eux aussi
 Qu'ils l'ont fait, & qu'il est ainsi,

Que separation est faicte
Des quatre elemens, & parfaicte
Du vis argent, & de l'or fin:
Et tout n'est rien à la parfin.

Car il est vray, que toutes choses
Qui sont dessous le ciel encloses,
Des quatre elemens faictes sont,
Et iuste quantité ils ont,
En proportion, par nature,
Rien mixtes, selon leur facture:
Non pas tous vnis proprement,
Mais en vertu distinctement:
Principalement la matiere
De la pierre vraye & entiere.

I'entens, au vis argent vermeil,
Et parfaict corps, qu'on dict soleil.
Sont quatre & chacun Element
Vnis inseparablement,
Et meslez par moyens notables,
Non par art humain separables.

Car tous les bons Physiciens
Et Philosophes anciens
Ont escript, & il est tout cler,
Que l'element de feu & d'air
Sont enclos & tenus en serra.
L'un en l'eau, & l'autre en la terre
Le feu est enclos bien & beau:
En la terre, & l'air dedans l'eau
Et ne peut chacun element,

Monstrer sa vertu nullement,
Sinon en l'eau, ou en la terre:
Là sont forts & font forte guerre
Ensemble inseparablement:
Nul ne les peut realement
Separer de ceste closture,
Fors Dieu & vous Dame nature.

Hardiment le puis affermer,
Et physiquement confirmer:
Car le feu nous est nuisible,
Aussi l'air est imperceptible.
Celuy qui dict qu'on les peut veoir
Apart, tend à nous decenoir:
Car par arguments bien notables,
Elements sont inseparables.
Pose que les sophistes dient,
Et afferment & certifient,
Qu'ils separent du vif argent,
Et de l'or, qui est bel & gent.
Les elements, ils sont menteurs,
Veu les raisons des bons auteurs.
Car l'element de feu & d'air,
Si ainsi est, doit exhalter.
Mais ils dient qu'ils les retiennent,
Et si ne sçauent qu'ils deuient.
Puis que l'air ne peut estre veu,
Ne le feu de nul apperceu.

Et s'ils l'ont tiré, comme ils dient,
Ce qu'ils touchent ils burnifient,

RESPONSE DE L'ALCHE.

*Qui est chose contre nature
De l'air & du feu par droicteure.*

*Puis ma dame, ainsi qu'avez dict,
Et que ie cognois par escript,
Il n'est nultant soit grand docteur,
Qui peut, fors Dieu le Createur,
Sçauoir combien & iustement
Il faut de chacun element
En vn chacun suppost physique.
A vous Dieu donne la pratique.*

*Ne Philosophe n'est tant sage
Qui sçeut par pratique & usage
Composer & mixtionner
Les elements, ne ordonner
Combien il y faut de chacun
Element, pour bien faire aucun
Suppost, ou chose naturelle.
Spirituelle ou corporelle:
Or donc s'il les veut separer,
Comment pourra-il reparer
Et reünir celuy compost
Pour en refaire vn vray suppost.
Puisque il ne sçait la quantité
Des elements, & qualité,
De la mode de l'union
Et parfaicte conionction?
Il ne faut donc rien separer,
Puisqu'on ne le sçait reparer.
Laisser vous faut faire nature,*

Qui

Qui entendez l'art & facture
 Et qui sçauiez bien disposer
 Et celle pierre compaser,
 Et bien faire les meslemens
 Sans separer les elemens.
 Assez l'avez-vous dict, Madame:
 Par vos dictz, j'entens bien la game.
 De separer il n'est besoing
 Les elemens, ne prendre soing
 De les reünir & contoindre,
 Puis qu'on ne peut tel art atteindre,
 Et que c'est un secret donné
 A vous, & de Dieu ordonné.

La pierre ou l'elixir, sans doubte,
 Se fait de vous & par fait toute
 Sans separer les elemens.
 Mais non pas sans vos instrumens,
 Ne sans l'aide de l'homme sage.
 Et qui bien entend vostre ouvrage.
 Mais pour bien denoter la note,
 Voyons ce que dict Aristote,
 Où le Physicien fait fin,
 Là commence le Medecin.
 Supposant pour Physicien
 Le tres-sçauant naturien.
 Dont l'art d'Alchymie commence
 Suivant nature & sa science.
 Et tout cecy est supposé
 Et par Aristote posé.

RESPONSE DE L'ALCH.

En ses dict. & vrayes escriptures
 Monstrans les secrets de nature:
 Qu'un Philosophe doit comprendre,
 Et le Medecin bien entendre,
 Et autre chose icy n'entens.
 Pour paruenir là où preçends.
 Car l'art d'Alchymie bien duiſte
 Sera de nature produiſte.

Et à fin qu'on ne s'y abuse,
 Tout cela dequoy natura use.
 Procreé, produiſt & engendre,
 Est la metière & propre gendre
 Qui appartient à l'Alchymie.
 Mieux le ſçauex que moy ma mie,
 Mon honoree, & chere Dame,
 Que voux ſeruir de corps & d'ame.

Or ſçauex que trois choſes faiſt
 L'art d'Alchymie: c'eſt qu'il parfait
 Le metal, & le viuifie
 Comme experiment verifie,
 Et digere ſon eſprit:
 En ce faiſant, rien ne perit.
 Secondement cuit la matiere,
 Digerant en telle maniere,
 Dedans quelque vaiſſeau petit,
 Que le corps elle conuertit
 Avec l'eſperit tout en un,
 Sans y adiouſter corps aucun.
 Parquoy en ceſt art tant notable,

Rien

Alias.
 Le metal
 & le veri-
 fic.
 Le ſoul-
 phre im-
 pur &
 craſſitie,
 ſollit &
 digere
 l'eſprit.

Rien de nouveau n'y est capable.
 Aussi ne s'y fait mixtion.
 Sinon administration
 Des beaux principes de nature,
 Que pour tel bessein les procure:
 Car ce qu'elle engendre & nous laisse,
 C'est ce que l'art doit prendre en laise.

Tiercement & dernièrement

Se preuue, que realement
 Separation ne se fait
 De quatre elemens en effect
 De l'argent vif & du Soleil,
 Ou or qu'on appelle vermeil.
 Pour faire la pierre parfaicte.
 Le penser est erreur infecte
 Contre le noble art d'Alchymie
 Et profonde Philosophie.

Il est tout vray & sans mentir
 Et sans verité diuertir,
 Qui toute chose alimentee
 Est d'elemens alimentee.
 Or donc s'ils sont bien disposez
 Et pour tel suppost composez
 Comme nature l'a produit
 S'on les depart, lors est destruit
 Celuy suppost & corrompu,
 Qui lia tous les elemens
 Et n'y a plus de meslemens.

Mais

Mais pour separer chose faicte,
Des quatre elemens est deffaicte.

Certes il n'est pas necessaire,
Ne aussi ne se doit-il faire,
Que le pere qui fils engendre
Soit deffaict: pas ne veux entendre
Qu'en ce faisant il soit destruit:
Mais suffise qu'isse l'esprit
Genitif avec le sperme.
Que la matiere de la femme
Reçoit & garde chaudement:
Et tel esprit, vraiment
Est de l'enfant generatif.
Et de ses membres formatif.
Aucenne en faict mention,
Parlant de la generation.

Ainsi est-il semblablement
De l'or fin, qui est seurement
De la pierre la pure estoſse
Comme dit le vray Philosophes:
C'est le pere qui tout instruit:
Donc ne faut pas qu'il soit destruit:
Ne corrompu ne separé
De ses elemens bien paré:
Mais suffit que le soleil pere,
Spirant son esprit, prospere,
Et que force & vertu influe
Par l'esprit au fils afflue
En vertu, qui en vraye pierre
Des Philosophes, prinse en

Et par l'esperit genitif.

Est formé le fils substantif.

Ma dame par vous i'ay tant sçeu

Et de vos secrets apperceu,

Que l'art d'Alchymie est notable,

Et science tres-veritable,

Et si dis que cest or vermeil

Est le vray pere dict Soleil.

De la pierre & de l'elixir,

Dont tant de thresor peut issir:

Car il eschauffe, insere & fixe.

Digere & teinēt par artifice,

Sans nulle diminution,

Ne quelconque corruption

De celuy or, qui est le pere.

Dont le fils grandement prospere.

Or doncques ne vous est possible,

Ne necessaire, ne loisible,

De deffaire, les meslemens,

Ne separer les elements,

Que nature ha portionnez,

Et si bien joinctz & ordonnez

En iuste & deuē quantité,

Complexion & qualité,

Au vis argent, dans & dehors,

Semblablement au parfaict corps

Du Soleil, comme ha esté dict.

Qui est sentence & vray edict,

Si nous ignorons la science

De nature & la seignoissance

RESPONSE DE L'ALCH.

Des mixtions & meslemens,
De ces quatre beaux-elemens,
Semblablement nous ignorons
D'iceux les separations.

Parquoy il est tres-necessaire
D'ensuiure nature, & de faire
Et vser de ses instrumens.
Comme elle faict es elemens.
Autrement nous ne serions pas
Vrais imitateurs de ses pas
Sans celle administration
En ceste mesme education
De la forme d'icelle pierre,
Et des moyens qu'il y faut querre
Par lesquels moyens on receuure
L'instrument dequoy nature ouure
En la maniere par art gent,
Qui donne forme au vis argent.

Faire au contraire des auteurs.
Plustost nous serions destructeurs
De ce que nature compose,
Et qu'elle engendre & bien dispose,
En separant les meslemens.
C'est contre vos commandemens,
Et chose par trop decestable
Enuers vous, tant bonne & notable.

Mais bien doit-on, sans nulle doubte,
Faire ainsi que dict Aristote;
Les elemens conuertiras,
Et ce que tu quiers trouueras.

Ainsi, nature ma maistresse,
 Vous m'avez bien l'adresse
 Pour me conduire sagement:
 Si vous remercie humblement.
 L'ayant appris par vous de bien:
 Que tout ce qu'ay fait ne vaulx rien.
 Je cognois que c'est grand' felie:
 En fin peste & melancholie
 De s'amuser à ces fourneaux,
 En vis argent, en sortes eaux,
 En dissolutions vulgales,
 En toutes choses minerales,
 En feu de fumier & charbon:
 Car jamais n'y a rien de bon.
 Pource, Madame ie conclus
 Que ie seray de plus en plus
 Ententif, selon vostre liure:
 De tout mon pouuoir vous ensuiure:
 Car c'est le chemin & la voye
 La plus seure que l'homme voye:
 Et est tout certain que cest art
 Nous vient par vous: mais c'est à tarder,
 Non sans cause: veu la noblesse,
 Et le thresor, & la haultesse
 De ce grand bien & haut oraclo,
 Qui est en vous quasi miracle.
 Or madame, comme i'entends,
 Afin que ie ne perde temps
 Sans vostre banniere & enseigne,
 Ainsi que vostre dict m'enseigne,

*Auant plustost huy que demain
Vais à l'œuvre mettre la main,
Suiuant vostre commandement:
Et prendray tout premierement
La matiere, avec son agent,
Qui fera ce beau vis. argent,
Et la mettray dans le vaisseau
Bien clos, nette sus un fourneau
Enuironné d'une closture:
Et puis vous, madame Nature,
Ferez ce que sçauex bien faire,
Afin de vostre œuvre parfaire,
Que tant est occulte & profonde
Que de plus riche n'est au monde.*

*Si vous remercie madame,
Du corps, & du cœur, & de l'ame.
Quand vous ha pleu me visiter,
Et d'un si grand bien m'heriter:
A laquelle toute ma vie
Sois tenu, & malgré enuie
Je suyuray vos enseignemens,
Et feray que des elemens
J'auray celle noble teincture,
Moyennant Dieu & vous Nature,*

*Cy finist la réponse toute
Que l'artiste fist en grand' doute
Deuant Nature sa maistresse,
Dont en a heu tres-grand' richesse.*



EXTRAICT DV RO-
MANT DE LA ROSE,
ou I. Clopinel, dict le Meung,
parlant des faiëts tant de Na-
ture que de l'art son imitateur
escript.



*Enure l'hôte tant qu'il viura,
la nature n'acoſuiura.
Que d'alchymie tât appreigne,
Que tous metaux en couleur
teigne.*

*Il ſe pourroit aincois tuer,
Que les eſpeces tranſmuer:
Si tant ne fait qu'il les ramene
En leur nature primeraine.
Et ſi tard ſe vouloit pener,
Qu'il les y ſçeuſſe ramener.
Si luy faudroit auoir ſcience
De venir à celle attrempance,
Quand voudroit faire l'elixir.
Dont telle forme doit iſſir
Qui diuiſe entre eux la ſubſtance
Par ſpeciale difference:
Comme il appert au diſſimier.*

Qui bien en ſçait à chef venir.
 Nonobſtant c'eſt choſe notable.
 L'Alchymie eſt art venerable,
 Qui ſagement en-œuurerait,
 Grands merueilles y trouueroit.
 Car, comme qu'il ſoit des eſpeces,
 Au moins les ſingulieres pieces
 En ſenſibles œuvres ſoubs miſes,
 Sont muables, en tant de guiſes
 Qu'ils peuvent leurs complexions
 Par diuerſes digeſtions
 Changer entre elles, par tel change
 Qu'il les met ſous eſpece eſtrange
 Et oſte de la leur premiere.
 Ne veoit lon comme de feugiere
 Cendre faiët & puis verre naiſtre
 Qui de verrerie eſt bon maiſtre,
 Par depuration legiere?
 Si n'eſt pas le verre feugiere,
 Ne la feugere n'eſt pas verre.
 Et quand eſclair vient, ou tonnerre,
 Ne peut-on pas bien ſouuent veoir
 Des grands vapeurs les pierres cheoir,
 Qui ne montarent mie pierres?
 Ce peut ſçauoir qui ſçait les erres
 Et cauſe, que telle matiere
 A ceſte eſpece eſtrange attire.
 Ainſi ſont eſpeces changees,
 Où les pieces d'elles eſtrangeres.

Et en substance & en figure
Soit par art, ou bien par nature.
Ainsi pourroit des metaux faire,
Qui bien les scauroit à cheftreindre
Et tollir aux ords leur ordure,
Et les mettre en forme trespure,
Par leurs complexions voisines
L'une vers l'autre assez enelines.
Car ils sont tous d'une matiere,
Comment que nature les tire :
Car tous, par diuerses manieres,
Dedans leurs terrestres minieres,
De soulfhre & de vis argent naissent,
Comme les liures le confessent.
Qui les scauroit subtilier,
Et leurs esprits appareiller,
Si que force d'entrer ils eussent,
Et que voler ne s'en peussent,
Quand dedans les corps ils entraissent,
Mais que bien purgez les trouuassent,
Et fust le soulfhre sans ordure,
Pour blanche ou pour rouge teindre,
Son vouloir des metaux feroit
Qui ainsi faire le scauroit.
Car d'argent fin, fin or fait naistre,
Cil qui d'Alchymie est le maistre
Et poix & couleur y adionse,
Par chose qui guiere ne couste.
Et dor fin pierres precieuses.

EXTR. DV ROM. DE LA ROSE.
Faiſt claires & moult gratieuſes,
Et tout autre metal deſnue.
De ſa forme, ſi qu'il le mue
En ſin argent, par medicine,
Blanche transparente & tres-fine,
Ou en or par rouge teincture.
S'il y veut appliquer ſa cure.
Mais ainſi ne feront-ils mie,
Qui œuurent de ſophiſterie:
Trauaillent tant comme ils voudront
L'a nature n'aconſuientront.

F I N.

TESTA



TESTAMENT ATTRI- BUE A ARNAULD DE Villeneuve.

LA pierre des Philosophes sourdât de terre est esleuee ou parfaicte au feu. Saoulee du breuüage d'eau tresclaire, au moins en douze heures, de toutes parts s'enfle visiblement. Apres mise en estuue d'air moyennemēt chaud & sec, & purifiée d'estrange vapeur, acquiert solidité en ses parties : & extenuée d'humour superflue, devient idoine à se briser. Cela faict, de ses plus pures parties est esprint le laict virginal : lequel incontinent mis en l'œuf des Philosophes, est si longuement eschauffé, par continuelle & propre chaleur, comme pour faire couuer & esclorre poussins, que estant desnuee de la varieté de ses couleurs, s'esliouist avec son pareil en blancheur de neige : & deslors sans danger resiste aux forces du feu croissant, iusques à ce qu'estant teincte en couleur de pourpre, elle sort du monüment avec royale puissance.

F I N.

H 3

P E T I T T R A I C T E
D'ALCHYMIE, INTITVLE
le sommaire Philosophi-
que de Nicolas
Flamel.



*Vi veut auoir la cognoissance
Des metaux & vraye science
Comment il les faut transmuier
Et de l'un à l'autre muier,
Premier il conuient qu'il cognoisse
Le chemin & entiere adresse
Dequoy se doiuent en leur miniere
Terrestre former, & maniere.
Ainsi ne faut-il point qu'on erre
Regarder és vaines de terre
Toutes les transmutations
D'ont sont formez en nations.
Parquoy transmuier ils se peuent
Dehors les minieres, où se treuuent
Estant premier en leurs esprits :
Assauoir pour n'estre repris
En leur soulfre & leur vis argent,
Que nature a faict par art gent.
Car tous metaux de soulfre sont
Formez & vis argent qu'ils ont.*

Ce sont deux spermes des metaux
 Quels qu'ils soyent, tant froids que chauds.
 L'un est masle, l'autre femelle:
 Et leur complexion est telle.
 Mais les deux spermes dessusdicts,
 Sont composez, c'est sans redits,
 Des quatre elemens, seurement
 Cela i'affirme vrayement.
 C'est à sçauoir le premier sperme
 Masculin, pour sçauoir le terme,
 Qu'en Philosophie on appelle
 Soulphre, par vne façon telle.
 N'est autre chose qu'element
 De l'air & du feu seulement.
 Et est le soulphre fix semblable
 Au feu sans estre variable.
 Et de nature metallique:
 Non pas soulphre vulgal inique;
 Car le soulphre vulgal n'a nulle
 Substance (qui bien le calcule)
 Metallique, à dire le vray.
 Et ainsi ie le produeray.
 L'autre sperme qu'est feminin,
 C'est celuy pour sçauoir la fin,
 Qu'on a costume de nommer
 Argent vis, & pour vous sommer
 Ce n'est seulement qu'eau & terre,
 Qui s'en veut plus à plain enquerre.
 Dont plusieurs hommes de science

SOMMAIRE PHILOSOPH.

Ces deux spermes-là sans doutance,
 Ont figurez par deux dragons,
 Ou serpens pires se dict en.
 L'un ayant des aisles terribles,
 L'autre sans aile, fort horrible.
 Le dragon figuré sans aile,
 Est le soulfre, la chose est telle,
 Lequel ne s'enuole iamais
 Du feu, voila le premier mets.
 L'autre serpent qui aisles porte,
 C'est argent vis, que vent emporte,
 Qui est semence feminine
 Faicte d'eau & terre pour mine.
 Pourtant au feu point ne demeure,
 Ains s'enuole quand void son heure.
 Mais quand ces deux spermes distincts
 Sont assemblez & bien conioincts,
 Par une triomphante nature,
 Dedans le ventre du mercure,
 Qu'est le premier metal formé,
 Et est celuy qui est nommé
 Mere de tous autres metaux,
 Philosophes de monts & vaux
 L'ont appelé dragon volant;
 Pource qu'un dragon en allant,
 Qu'est enflambé avec son feu,
 Va par l'air iectant peu à peu
 Feu & fumee venimeuse
 Qu'est une chose fort hideuse

A regarder telle laidure,
 Ainsi pour vray faict le mercure,
 Quand il est sur le feu commun,
 C'est à dire, en des lieux aucun,
 En un vaisseau mis & posé
 Et le feu commun disposé,
 Pour luy allumer promptement
 Son feu de nature asprement,
 Qu'au profond de luy est caché.
 Alors si vous voulez tacher.
 Voir quelque chose veritable
 Par feu commun dict vegetable,
 L'un enflambrera par ardeur
 Du Mercure feu de nature.
 Alors, si estes vigilant,
 Verrez par l'air icstant, courant,
 Vne fumee venimeuse,
 Mal odorante, & malignieuse,
 Trop pire, enflambe & en poison
 Que n'est la teste d'un dragon
 Sortant à coup de Babylone
 Qui deux ou trois lieues environne.
 Autres Philosophes scauans,
 Ont voulu chercher tant auant,
 Qu'ils sont figuré en la forme
 D'un Lyon volant sans difforme.
 Et l'ont aussi nommé Lyon:
 Pource qu'en toute region
 Le Lyon deuore les bestes

Tant soient ieunes & propretes
 En les mangeant à son plaisir,
 Quand d'elles il se peut saisir,
 Sinon celles qui ont puissance
 Contre luy se mettre en deffiance,
 Et resister par grande force
 A sa fureur, quand il les force:
 Ainsi que le mercure fait.
 Et pour mieux entendre l'effect,
 Quel metal que vous mettez
 Avecques luy, ces mots notez,
 Soudain il le difformera,
 Deuorera, & mangera.
 Le Lyon fait en telle sorte.
 Mais sur ce point, ie vous enporte
 Qu'il y a deux metaux de prix
 Qui sur luy emportent le prix
 En totale perfection,
 L'un on nomme or sans fiction:
 L'autre argent, ce nie aucun,
 Tant est-il notoire à chascun,
 Que si mercure est en fureur,
 Et son feu allumé d'ardeur,
 Il deuorera par ses faitz
 Ces deux nobles metaux parfaits,
 Et les mettra dedans son ventre
 Ce nonobstant, lequel qu'y entre
 Il ne le consumera point.
 Car pour bien entendre ce point.

Ils sont plus que luy endurez,
 Et parfaits en nature aussi.
 Mercure est metal imparfait;
 Non pourtant qu'en luy ayt de fait
 Substance de perfection.
 Pour vraie declaration
 L'or commun se vient du mercure,
 Qu'est metal parfait, ie l'assure.
 De l'argent ie dy tout ainsi.
 Sans alleguer ne cas ne si.
 Et aussi les autres metaux
 Imparfaits, croissans bas & hauts
 Sont trestous engendrez de luy.
 Et pource il n'y a celuy
 Des philosophes, qui ne dise
 Que c'est la mere sans saintise
 De tous metaux certainement.
 Parquoy conuient assurement
 Que des que mercure est formé,
 Qu'en luy soit sans plus informé
 Double substance metallique,
 Cela clairement ie replique.
 C'est tout premierement pour l'une,
 La substance de basse Lune,
 Et apres celle du Soleil;
 Qui est un metal nonpareil.
 Car le mercure sans doutance
 Est formé des deux substances,
 Estans au ventre en esprit.

Du Mercure que j'ay descript.
 Mais tantost apres que nature
 Ha formé iceluy mercure,
 De ces deux esprits dessusditz
 Mercure sans nul contreditz
 Ne demande qu'à les former
 Tous parfaits sans rien difformer,
 Et corporellement les faire,
 Sans soy d'iceux vouloir deffaire.
 Puy, quand tes deux espritz s'euillent,
 Et les deux spermes se resueillent,
 Qui veulent prendre propre corps
 Alors il faut estre records,
 Qu'il conuient que leur mere meure,
 Nommé mercure, sans demeure:
 Puis le tout bien verifié,
 Quand mercure est mortifié
 Par nature ne peut iamais
 Se viuifier, ie prometz,
 Comme il estoit premierement,
 Ainsi que dient certainement
 Aucuns triomphans Alchymistes,
 Affermants en paroles mistes,
 De mettre les corps imparfaits
 Et aussi ceux qui sont parfaits
 Soudain en mercure couurant.
 Je ne dy pas qu'aucuns d'eux ment:
 Mais seulement, sauf leurs honneurs,
 Pour certain ce sont vrayz senglens.

Il est bien vray que le mercure
 Mangera par sa grande cure
 L'imparfaict metal, comme plomb,
 Ou estaing: cela bien scait-on:
 Et pourra sans difficulté
 Multiplier en quantité:
 Mais pourtant sa perfection
 Amoindrira sans fiction,
 Et mercure ne sera plus
 Parfaict, notez bien le surplus:
 Mais si mortifié estoit
 Par art, autre chose seroit,
 Comme au cynabre, ou sublimé,
 Je ne me veux pas animé
 Que reuifier ne se puisse:
 Telle verité ne se musse:
 Car en le congelant par art
 Les deux spermes, soit tost ou tard,
 Du mercure point ne prendront
 Corps fix, ny aussi retiendront
 Comme és veines ils font de la terre:
 Ainsi pour garder que nully n'erre
 Si peu congelé ne peut estre
 Par nature à dextre ou senestre,
 Dedans quelque terrestre veine,
 Que le grain fix soudain n'y vienne.
 Qui produira des deux espermes
 Du mercure, entier & vray germes:
 Comme és mines de plomb voyez

Si vous y estes enuoyez,
 Car de plomb il n'est nulle mine,
 En lieu où elle se confine,
 Que le vray grain du fix n'y soit,
 Ainsi que chacun l'apperçoit,
 C'est à sçauoir le grain de l'or
 Et de l'argent, qu'est un tresor
 En substance & en nourriture:
 A chacun telle chose est seure.
 La prime congelation
 Du mercure, est mine de plomb
 Et aussi la plus conuenable
 A luy: la chose est veritable:
 Pour en perfection le mettre,
 Cela ne se doit point omettre,
 Et pour tost le faire venir
 Au grain fix, & tousiours tenir,
 Car comme par auant est dict,
 Mine de plomb sans contredict
 N'est point sans grain fix pour tout vray
 D'or & d'argent: cela ie sçay:
 Lesquels grains nature y a mis
 Ainsi comme Dieu l'a permis
 Et est celuy-là seurement
 Qui multiplier vrayement
 Se peut, sans contradiction,
 Pour venir en perfection
 Et en toute entiere puissance,
 Comme sçay par l'experience.

Et cela pour tout vray l'assure.
 Luy estant dedans son mercure,
 C'est à dire non séparé
 De la mine, mais bien puré.
 Car tout metal en mine estant
 Est mercure, i'en dis autant,
 Et multiplier se pourra
 Tant que la substance il aura
 De son mercure en verité.
 Mais si le grain en est osté
 Et séparé de son mercure
 Qui est sa mine, bien l'assure,
 Il sera ainsi que la pomme
 Cueillie verte, & voilà comme
 Dessus l'arbre en verité,
 Avant qu'elle ait maturité,
 Quand vous voyez passer la fleur,
 Le fruit se forme, soyez seur,
 Lequel apres pomme est nommée
 De toutes gens, & renommée.
 Mais qui la pomme arracheroit
 Dessus l'arbre, tout gasteroit
 A sa prime formation;
 Car homme n'a eu notion
 Par art ny aussi par science
 Qu'il sceusse donner la substance,
 Ne tandis la pousse parfaire
 De meurir, comme pouvoit faire
 Basse nature bonnement,

Quand

Quand elle estoit premierement
 Dessus l'arbre, où sa nourriture
 Et substance auoit par nature.
 Pendant doncques que l'on attend
 La saison de la pomme estant
 Sur son arbre où elle s'augmente
 Et nourrist venant grosse & gente
 Et prend agreable saueur,
 Tirant tousiours à soy liqueur,
 Iusques à ce qu'elle soit faicte
 De verde bien meure & parfaicte.
 Semblablement metal parfaict.
 Qu'est or, vient à un mesme effect.
 Car quand nature a procréé
 Ce beau grain parfaict & créé
 Au mercure, soyez certain
 Que tousiours tant soir que matin
 Sans faillir il se nourrira,
 Augmentera & parfera
 En son mercure luy estant :
 Et faut attendre iusqu'à tant
 Qu'il y aura quelque substance
 De son mercure sans doutance :
 Comme faict sur l'arbre la pomme.
 Car ie fais sçauoir à tout homme,
 Que le mercure en verité
 Est l'arbre, notez ce dicté,
 De tous metaux, soyent parfaicts,
 Ou autres qu'on dict imparfaicts :
 Pour

Pourtant ne peuuent nourrir
Avoir, que de leur seul mercure.
Parquoy ie dy, pour deuiser
Sur ce pas, & vous aduiser,
Que si vaulez cueillir le fruit
Du mercure, qu'est sel qui luit,
Et l'une aussi pareillement,
Si qu'ils soyent separément,
Loingtains en aucune maniere,
L'un de l'autre sans tarder guiere,
Ne pensez pas les recoinjoindre
Ensemble, n'aussi les y rejoindre
Ainsi comme auoit fait nature
Au premier: de ce vous assure:
Pour iceux bien multiplier
Augmenter sans point varier.
Car quand metaux sont separez
De la mine, à part trouuerez
Chacun comme pommes petites,
Cueilliers trop verdes & subites
De l'arbre, lesquelles iamaiz
N'auront grosseur ie vous promets.
Le monde ba assez cognoissance
Par nature & experience
Du fruit des arbres vegetaux,
Et ne sont point ces mots nouueaux,
Qui dès la pomme, ou la porte
Est arrachee, il est notoire,
De dessus l'arbre ce seroit.

Folie qui la remettroit,
 Sur la branche pour r'engrossir
 Et parfaire: fols font ainsi,
 Et gens aveuglez sans raison,
 Comme on voit en mainte maison.
 Car l'on sçait bien certainement
 Et à parler communement,
 Que tant plus elle est maniee,
 Tant plus tost elle est consommee.
 C'est ainsi des metaux vraiment:
 Car qui voudroit prendre l'argent
 Commun & l'or, puis en mercure
 Les remettre, seroit stulture.
 Car quelque grand subtilité
 Qu'on aye, aussi habilité
 Ou regime qu'on penseroit,
 Abusé on s'y trouueroit:
 Tant soit par eau ou par ciment,
 Ou autre sorte infiniment,
 Que l'on ne sçaueroit racompter
 Tousiours ce seroit mescompter
 Et de iour en iour à refaire
 Comme aucuns fols sur cest affaire
 Qui veulent la pomme cueillie
 Sur la branche estre rebaillee
 Et retourner pour la parfaire.
 Dont s'abusent à cela faire.

Nonobstant qu'aucuns gens sçauans
 Philosophes & bien parlans

Ont tresbien parlé par leurs dictz.
 Disans sans aucuns contradictz
 Que le Soleil avec la Lune,
 Et mercure, qu'est opportune,
 Conjointz, tous métaux imparfaictz.
 Rendront en œuvre bien parfaictz:
 Où la plus grand part des gens erre
 N'ayant autre chose sur terre
 Soyent Vegetaux, ou animaux,
 Ou pareillement minéraux,
 Que ces trois estans en un corps.
 Mais les lisans ne sont records
 Qu'iceux Philosophes entendus
 N'ont pas tels mots dictz ny rendus
 Pour donner entendre à chacun
 Que ce soit or n'argent commun,
 Ny le vulgal mercure aussi:
 Ils ne l'entendent pas ainsi.
 Car ils sçauent que tels métaux
 Sont tous morts, pour vray, sans defaux.
 Et que iàmais plus ne prendront
 Substance: ainsi demeureront
 Et l'un à l'autre n'aydera
 Pour le parfaire, ains demeurera.
 Car il est vray certainement
 Que ce sont les fruiets vrayement
 Cueilliz des arbres auant saison:
 Les laissant là pour tel' raison:
 Car dessus iceux en cherchant

Ne trouvent ce qu'ils vont querant.
 Ils sçauent assez bien que iceux
 N'ont autre chose que pour eux:
 Parquoy s'en vont chercher le fruit
 Sur l'arbre qui à eux bien duit.
 Lequel s'engrosse & multiplie
 De iour en iour, tant qu'arbre en plie.
 Joye ont de veoir telle besongne.
 Par ce moyen l'arbre on empoigne,
 Sans cueillir le fruit nullement,
 Pour le replanter noblement
 En autre terre plus fertile.
 Plus triumpante, & plus gentille.
 Et que donnera nourriture
 En un seul iour par aduventure
 Au fruit, qu'en cent ans il n'auroit
 Si au premier terrouër estoit.
 Par ce moyen donc faut entendre,
 Que le mercure il conuient prendre,
 Qui est l'arbre tant estimé,
 Veneré, clamé, & aimé,
 Ayant avec luy le soleil.
 Et la Lune d'un appareil,
 Lesquels separez point ne sont
 L'un de l'autre, mais ensemble ont
 La vraye association:
 Apres sans prolongation
 Le replanter en autre terre
 Plus pres du Soleil, pour acquerre

D'iceluy merueilleux prouffit,
Où la rosée luy suffist.
Car là ou planté il estoit,
Le vent incessamment battoit
Et la froidure, en telle sorte
Que peu de fruit faut qu'il rapporte.
Et là demeure longuement,
Portant petits fruits seulement.

Les Philosophes ont un iardin
Où le Soleil soir & matin
Et iour & nuict est à toute heure
Et incessamment y demeure
Auec vne douce rosée.

Par laquelle est bien arrosée
La terre portant arbres & fruits
Qui là sont plantez & conduits
Et prennent deuë nourriture
Par vne plaisante pasture.

Ainsi de iour en iour s'amandent
Receuans fort douce prehende,
Et là demeurent plus puissans
Et forts, sans estre languissans
En moins d'un an, ou enuiron,
Qu'en dix mil, celà nous diront,
N'eussent fait là où ils estoient
Planter, ou les fruits les battoient.
Et pour mieux la matiere entendre,
C'est à dire qu'il les faut prendre,
Et puis les mettre dans un four

SOMMAIRE PHILOSOPHE

Sur le feu où soient nuiſt & ieur.
 Mais le feu de bois ne doit eſtre
 Ny de charbon: mais pour cognoiſtre
 Quel feu te ſera bien duiſant,
 Faut que ſoit feu clair & luiſant,
 Ny plus ny moins que le Soleil:
 De tel feu ſeras appareil:
 Lequel ne doit eſtre plus chaud:
 Ny plus ardent, ſans nul deſaut,
 Mais touſiours une chaleur meſme.
 Faut que ſoit, notez bien ce theſme:
 Car la vapeur eſt la roſee,
 Qui gardera d'eſtre alteree
 La ſemence de tous metaux.
 Tu vois que les fruiſts vegetaux
 S'ils ont chaleur trop fort ardente
 Sans roſee en petite attente
 Sec & tranſy demeurera
 Le fruit ſur la branche mourra,
 On en nulle perfection
 Ne viendra, pour concluſion.
 Mais ſ'il eſt nourry en chaleur
 Avec une humide moiſſeur,
 Il ſera beau & triomphant
 Sur l'arbre où prent nourriſſement,
 Car chaleur & humidité
 Eſt nourriture en verité.
 De toutes choſes de ce monde
 Ayant vie, ſur ce me fonde.

Comme

Comme animaux & vegetaux
Et pareillement minéraux,
Chaleur de bois & de charbon,
Cela ne leur est pas trop bon.
Ce sont chaleurs fort violentes
Et ne sont pas si nourrissantes.
Que celle qui du soleil vient:
Laquelle chaleur entretient
Chacune chose corporelle.
Pour autant qu'elle est naturelle.
Parquoy Philosophes sçavans
Et de nature cognoissans,
N'ont autre feu voulu eslire
Pour eux, à la verité dire,
Que de nature aucunement
Laquelle il survient mesmement
Non pas que Philosophe face
Ce que nature fait & trace:
Car nature ha tousiours chose
Crée, comme icy ie l'expose,
Tant vegetaux que minéraux,
Semblablement les animaux.
Chacun selon son vray degré
Generante où elle ha pris gré
Comme s'estend sa dominance.
Non pas que ie donne sentence
Que les hommes par leurs arts font
Chose naturelle & parfont.
Mais il est bien vray quand nature

SOMMAIRE PHILOSOPHE.

A formé par sa grand' facture
 Les choses deuant dictes, l'homme
 Luy peut ayder, & entendz comme,
 Apres par art, à les parfaire
 Plus que nature ne peut faire
 Par ce moyen les philosophes
 Sçauans & gens de grosse estoffe,
 Pour du vray tous vous informer,
 Autrement n'ont voulu ceurer,
 Qu'en nature avec la lune
 Au mercure mere opportune,
 Duquel apres en general
 Font mercure philosophal,
 Lequel est plus puissant & fort,
 Quand vient à faire son effort,
 Que n'est par celui de nature.
 Cela sçauent les créatures
 Car le mercure deuant dit,
 De nature sans nul desdit,
 N'est bon que pour simples metaux
 Parfaicts imperfects, froids ou chauds,
 Mais le mercure du sçauant
 Philosophe, est triumpgant,
 Que pour metaux plus que parfaicts
 Est bon, & pour les imperfects:
 A la fin pour les tous parfaire
 Et soudainement les refaire,
 Sans y rien diminuer
 Adiouster, mettre ny muer.

Comme nature les a mis
Les laisse sans rien estre obmis.
Non que ie die toutesfois
Que les Philosophes tous trois
Les conioignent ensemble pour faire
Leur mercure, & pour le parfaire,
Comme font vn tas d'Alchymistes
Qui en sçauoir ne sont trop mistes,
Ny aussi beaucoup sage gent
Qui prennent l'or commun, l'argent,
Auec le mercure vulgal,
Puis apres leur font tant de mal.
Les tourmentant de telle sorte,
Qu'il semble que foudre les porte
Et par leur folle fantasie
Abusion & resuerie,
Le mercure en cuident faire
Des Philosophes & parfaire:
Mais iamais paruenir n'y peuuent,
Ainsi abusés ils se trouuent,
Qui est la premiere matiere
De la pierre, & vraye miniere.
Mais iamais ils n'y paruiendront,
Ne aucun bien y trouueront
S'ils ne vont dessus la montaigne
Des sept, où n'y ha nulle plaine
Et par dessus regarderont
Les fix que de loing ils verront:
Et au dessus de la plus haute

SOMMAIRE PHILOSOPHE

Montaigne, cognoistront sans faulx
 L'herbe triomphante Royale.
 Laquelle ont nommé minerale.
 Aucuns Philosophes & herbale,
 Appellée est saturniale.
 Mais laisser le marc il contient
 Et prendre le ius qui en vient
 Pur & net: de cecy t'aduisce
 Pour mieux entendre ceste grise:
 Car d'elle tu pourras bien faire
 La plus grand' part de ton affaire.
 C'est le vray mercure gentil,
 Des Philosophes tres subtil,
 Lequel tu mettras en ta manche.
 En premier toute l'œuvre blanche,
 Et la rouge semblablement,
 Si mes dits entends bonnement.
 Eslis celle que tu voudras
 Et soyex seur que tu l'auras.
 Car des deux n'est qu'une pratique
 Qu'est souveraine & authentique.
 Toutes deux se font par voye une,
 C'est à sçavoir Soleil & Lune.
 Ains leur pratique rapporte,
 Du blanc & rouge, en telle sorte.
 Laquelle est tant simple & aisee,
 Qu'une femme fillant suze.
 Et rien ne s'en destourbera
 Quand telle besogne fera.

Non plus qu'à mettre elle feroit,
 Couuer des œufs quand il fait froit,
 Sous une poulla sans lauer.
 Ce que iamis ne fut trouué,
 Car on ne loüe point les œufs
 Pour mettre couuer vieils, ou neufs.
 Mais ainsi comme il sont faitz:
 Sous la poule on les met de faitz,
 Et ne faitz-on que les tourner
 Tous les iours & les contourner
 Sous la mere sans plus de plait,
 Pour soudain auoir le poullet.
 Le tout ie, l'ay declaré ample:
 Puis apres se met un exemple.
 Premièrement ne laueras
 Ton mercure, mais le prendras
 Et le mettras avec son pere,
 Qui est le feu ce mot t'appere,
 Sus les cendres, qui est la paille.
 Cest enseignement ie te baille,
 Et un verre seul qu'est le nid
 Sans coniture ny puis
 En seul vaisseau, comme dit est:
 De l'habitable entends que c'est
 En un fournel fait par raison,
 Lequel est nommé la maison,
 Et de luy poullet sortira,
 Qui de son sang te guerira,
 Premier de toute maladie,

Et de sa chair, quoy que l'on dit,
 Te repaistra, pour ta viande:
 De ses plumes, afin qu'entende,
 Il te vestira noblement,
 Te gardant de froid seurement:
 Dont prieray l'haut Createur
 Qu'il doint la grace à tout bon cœur
 D'Alchymistes qui sont sur terre,
 Briefuement le pouillet conquerre,
 Pour en estre alimenté,
 Nourry & tres-bien substanté.
 Comme ce pen qu'icy declare
 Me vient du haut Dieu nostre pere,
 Qui pour sa benigne bonté
 Le m'a donné en charité:
 Dont vous fais ce present petit,
 Afin que meilleur appetit
 Ayex cherchant & suyuans train
 Qu'il vous monstre soir & matin:
 Lequel i'ay mis sous vn sommaire,
 Afin qu'entendiez mieux l'affaire,
 Selon des Philosophes sages
 Les dits, qu'entendez d'auantage.
 Je parle vn peu ruralement:
 Parquoy ie vous prie humblement,
 De m'excuser, & en gré prendre,
 Et à fort chercher tousiours rendre.

AUTRES

FIN.

AUTRES VERS

TOUCHANT LE
mesme art, l'Auteur des-
quels n'est pas nommé.

EN mercure est ce que querons:
De luy esprit & corps tirons
Et ame aussi, d'où sort teincture.
Sur toutes autres nette & pure.
C'est vne humeur tresprecieuse,
Rendant la personne ioyeuse.
Faiete est de terre, eau, air, & feu:
Le corps purgé, l'esprit conceu.
Après vient la fontaine claire,
Qui ne tient en soy chose amere.
Au fond del' gist le verd serpent,
Ou Lyon verd, qui là s'estend.
Si on l'esueille, il monte en hant:
Après chet quand le cœur luy saut.
Tant il se lave & tant se baigne,
Que comme rouge appert sa troigne.
Tant est lavé d'eau de vie,
Qu'après on ne le cognoist mie,
Puis se tourne en pierre tres-digne,
Blanche premier, & puis citrine.
Tant amoureuse est à la voir.
Qu'en ne peut priser son avoir.

Mets donc ta cure
Au vray mercure
Qu'a fait nature.
Avec son pere
Fait son repaire
Ou il prospere:
C'est pour parfaire
Les imparfaits
Ords & infects.
Mais faut que face
Que le deface
De prime face:
Pour le refaire
Et satisfaire
A ton affaire.
C'est le subject
Més au vaisel

En un fournel
Qui se fait bal
De iour en iour
Par vray amon
Sans nul secour,
Et se fixe
Tout propice
Sans espice,
Pour guerir
Tout esprit
Sans peril
S'ainsi le fais
Tous les infects
Seront parfaits.
Dieu te doint grace
En peu d'espace
Que le tout face.

F I N.



DE F E N S E D E L A

science vulgairement appelée Alchymie, & des honnestes personnages qui vacquent à elle: contre les efforts que L. Girard mes à les outrager.

A P R E S que les présents auteurs de la trāsformation metallique, ont esté mis en equipage pour recevoir ornement de l'imprimerie, & de la sortir en public, ils m'ont semblé à bon droict requérir cōpagnie de quelque legitime defenſe, contre les detracteurs & calomniateurs de leurs professions. Mais de ma part ayant bon vouloir de leur ſatisfaire en ce que ie pourrois, ay cōſideré que pour reſpondre equitablement à tous les iniques eſcrits lesquels on trouueroit de tels aduerſaires, beſoin ſeroit vſer d'autre, & plus long langage que ce lieu ne deman

demãderoit : & à ceste cause (sans en
amener autre) qu'il falloit icy se de-
porter d'entreprendre telle besongne,
& faire essay en vne moindre, ce neã-
moins mesme fin proposee. Or est-il
certain que ie n'ay encor apperceu si
importun & intolerable ennemy tant
de la science sus nommee que de ceux
qui vaquent à elle, qu'est vn I. Girard
de Tournus : ainsi qu'il monstre eui-
demment par vne grande epistre en
François, laquelle il a faicte & ad-
ioustee à la fin de sa traduction (ainsi
l'appelle il) du L. de R. Bacho, intitulé
de l'admirable pouuoir de l'art & de
nature, qui fut imprimé à Lyon, il y
eut au mois d'Octobre dernier passé
trois annees. Et pource i'ay pensé qu'il
suffiroit maintenant, s'il pouuoit estre
contrainct de quicter ses armes, sans
auoir aucunemēt blessé l'honneur de
ceux qu'il a si temerairement enuahy.
Ce que i'espere aduenir, verité estant
en leur.

en leur faueur amenee & deuëment
opposée aux impudentes mensonges
d'iceluy. C'est l'endroit où i'ay delibe-
ré n'espargner ma peine & petite in-
dustrie. Mais afin que l'efficace tant de
ce qu'il dict contre eux, que de ce que
ie pretends respondre pour eux, soit
plus apparente, ie suis content suyure
l'ordre de ses paroles mal ordōnees, &
les diuiser en certaines parties, selon
que i'estimeray estre necessaire, telle-
ment que chacune de ses obiections
aye aupres de soy la refutation parti-
culiere.

*Premierement, il accuse l'art d'Alchy-
mie, d'auoir esté prohibé & deffendu par
edict public des Emperours Romains suc-
cesseurs à Diocletian. Quand & quand,
au lieu d'amener preuue suffisante, consi-
gne en marge opposee, C. de fauce monnoye.*

○ Ie ne sçay s'il faiët cela par ieu, ou
par maniere d'acquit, comme cuidant
auoir affaire à gens indigens d'indu-

fixie suffisante pour discerner si telle
 espee de payemēt est, ou n'est de mi-
 se, ou tāt aisez à estre gaignez & con-
 tentez, qu'elle leur peut bien satisfai-
 re. Mais, à bon escient, ie pense certai-
 nement sçauoir, que au T. du C. sus al-
 legué, on ne trouue imprimé vn seul
 mot seruant à telle sentence, par luy
 mise en auant : sans desassembler vio-
 lemment les lettres, & les disposer en
 autre ordre. Et pource, si insolēt com-
 mencement est cause que le milieu &
 la fin nous doiuent ja estre suspects.
 Quoy? Incontinent apres il contredict
 à soy mesme, là où il veut, & ne peut
 proprement dire, qu'il seroit encōres
 vtile pour aucuns, que ledict art eust
 tousiours esté deffendu, par ceux qui
 apres iceluy Diocletia, ont succédé au
 gouuernement de l'Empire. Ainsi (en
 passant) se monstre charitable hors ce
 pays, seulement enuers quelques estu-
 dians en Alchymie, qui obeissent à
 l'Empe-

l'Empereur des Romains : lesquels estans aduertis du bon vouloir qu'il leur porte, luy en pourront sçauoir quelque gré. Ce pendant nous disons franchement, que si tel edict y auoit, l'equité s'opposeroit à luy : attendu qu'une tres-honneste vtilité est proposée pour la fin dudit art : & la vraye pratique d'iceluy, n'offense personne. Quant aux Sophistes & abuseurs qui veulent couvrir leur mechanceté par la profession de si noble art, duquel ils sont ignorans, ce qui est escrit au 5. liure des extrauagâtes decretales, au T. de crimine falsi, par Iean 22. s'adresse à eux : & à bon droit.

Après se retire à son entendement, & y cherche, sans trouuer, quelque suffisant argument de verité, que la pierre, surnommée Philosophale, puisse estre composée artificiellement. D'où vient à menacer brauement ses aduersaires, disant que,

L'art ne peut exprimer & représenter nature: à raison qu'elle peneire le dedans des choses, & l'art prend son subiect seulement aupres le dehors, sçauoir est le dessus, & comme la face.

Mais que peut cela nuire au bruit de ceste science, ne des professeurs & estudians en icelle? veu que tous les sçauans Alchymistes ont tousiours aduouë, que l'effect de leur pierre appartient proprement à nature (laquelle est principe & cause du mouuement & repos de ce en quoy elle est premierement & par soy) estant toutesfois seruië par art, sans l'aide duquel, elle ne la pourroit iamais faire, non plus que muer quelque quantité de solde ou d'autre matiere en vne masse de verre. Et encôres que leur fantasie fut sous l'autorité de R. Baccho, ou de quelque autre, d'attribuer improprement telles actions à l'art, se seruant de nature pour instrument, ce neantmoïs
ses

ses intentiōs seroyent vaines. Voyons la poursuite.

Ei c'est vne cause ou raison entre autres (dict-il) qui faiēt que ie croye , que si d'aventure en quelques lieux ou endroiēts *Aristote* auoit voulu dire ceste pierre estre possible , & qu'il en ayt parlē , ce auroit esté plus pour attirer *Alexandre le Grand*, Prince contemporel & monarque, par quelque grande estimation de son sçavoir , & à vne admiration de choses , que non point pour la verité & possibilité de tel effect: ainsi qu'onques les Princes n'ont esté, & iamais ne seront sans auoir des parasites & bailleurs de bappelourdes. Ce que ie dy veritablement , & non pour autre raison que pource qu'il y en a aucuns si fols d'esprit , qu'ils croient , & ont pour vray oracle , tout ce qu'ils lisent en *Aristote*, croyant (ainsi que croient pauvres & fantastiques *Alchimistes*) de quelque apparence (toutesfois superficielle) cela estre vray & possible, qu'ils cognoistroyent tres-

*faux & impossible, s'ils le consideroyent
sagement.*

Ce sont les propres paroles, basties
sur le fondemēt ja ruiné. Examinons-
les vn peu. En premier lieu il a ioinct
vn si à ce dequoy il estoit incertain.
C'est bien faiēt à luy, & à l'imitation
d'vn bon deposant, l'office duquel est
de ne dire plus qu'il ne sçait. Quant à
moy, en visitant les œuures d'Aristo-
te, n'ay oncques, d'où il me souuienne,
trouué qu'il aye parlé d'icelle pierre
en aucun sien liure imprimé. Car
quant à celuy qui est intitulé *Secreta
secretorum Aristot.* faisant mētion de
ladiētte pierre, il y a suffisantes raisons
pour verifïer qu'il n'est de son ouura-
ge: combien que aucuns se soyent ef-
forcez de prouuer le contraire. Je ne
sçay s'il en auoit eserit quelque chose
en son liur. des mineraux, ne mesme si
ledict Liur. est pery: car de ma cognois-
sance il n'est encore venu en veuē pu-
blique.

blique. Laërtius recite bien qu'il auoit cōposé vn Liu. *περί τῆς λίθου*, c'est à dire, de la pierre. Mais ce mot *λίθος*, qui generalemēt signifie pierre, quelques-fois (comme aucuns veulent) est spécialement pris pour l'aymant : & autresfois pour icelle pierre souuēt surnommée Philosophale. En sorte que lediēt Liu. n'apparoissant, ie ne puis dire s'il traicteoit là de toutes sortes de pierre, ou seulement d'adiēt aymāt, ou bien de ladiēt pierre Philosophale. Car ie n'estime que ce fut de celle que nous appellons grauelle, ou d'autre chose pouuant estre exprimee par iceluy vocale. Quoy qu'il en soit, quelle cause, si ce n'est arrogance tresfolle, a incité ce gentil mesdisant, de se leuer ainsi contre tel personnage, qui est Aristote, pour interpreter sa pēsee en si mauuaise part, & ensemble l'outrager publiquement, & par tant d'injures vilaines ? Il le nous a osé feindre

peu ſçauant, & beaucoup arrogant, &
 menteur trefimpudent, & ſinguliere-
 ment temeraire: & pour le rendre en-
 cores plus infame, s'eſt effronteément
 efforcé de le mettre au rāgs de paraſi-
 tes & bailleurs de happelourdes.
 Quels tiltres! voicy belle recognoiſ-
 ſance des merites d'autrui. Mais quel
 hiftorien deſcriuant la vie d'Ariſtote,
 ou quel autre argumēt amenera-on,
 pour prouuer qu'il aye eſté ſi depraué
 en meurs, & vil en condition? Ses di-
 uines œuures nous declarēt ſuffiſam-
 ment ſa qualité. Et n'eſt beſoin faire
 mention de la bōne reputation en la-
 quelle il a touſiours eſté, & eſt, & doit
 eſtre en tous pays, enuers les gens let-
 trez, auxquels il a donné ſi plaiſans, ſi
 vtils, ſi honneſtes documens, preſque
 en toutes ſciēces. Conſiderons ſeule-
 ment qu'il a par tout iuſtemēt gaigné
 le ſurnom de Philoſophe par excellē-
 ce: voire du commun conſentemēt de
 tous

tous autres Philosophes, qui jusques à present, sont venus apres luy. Or qui apperceut oncques meschâcetez, telles que dessus, assemblees à la nature d'un Philosophe? Mais ie m'arreste icy, côme si les ordes parolles de Girard, pouvoyent aucunement souïller la noblesse d'un homme tant illustre. A la verité tres-mal iroit, si la lueur des louâges duës aux grâdes vertus, estoit subiecte d'estre obscurcie par les malignes detractions de tels hommes elers. Laissons l'opiniõ laquelle il à du Roy Alexâdre: car plusieurs histoires manifestes tesmoignêt de ses faits. Laissons aussi l'outrage qu'il dict à ceux qui adioustent foy aux esctits dudict Aristote, pour môstrer l'affection qu'il a enuers les Aristoteliës: car il est certain que eux, & luy, sont trop differés, tant en erudition que iugement: & comme chacun aime communement son semblable, ainsi hait-il son sem-

blable. Et auançons auecques luy, qui apres cela met en auant.

Que l'on ne trouue point certainement ou par asseurée verité que aucun en soit desia venu à vraye & parfaicte science & moins à l'accōplissement de l'œuure, quelques traditions & preceptes que l'on ait eu de ceste pierre Philosophale. Qu'il soit ainsi (dist-il) Philippe Vlstade, qui a esté grād artiste & abstraicteur de quinte essence, dist au Ciel des Philosophes, chap. 24. Que certes plusieurs ont cerché ceste sciēce, mais que bien peu l'ont trouuée. Il y a toutesfoi des liures, qui tesmoignēt qu'aucuns en ont eu vraye experience, mais tels liures sont sans aūteur : & pourant d'eux mesmes ne font, ny ne reçoient aucune foy.

Faisons passage à son langage, & arrestons seulement le sens. Voyez vous quelle hardiesse il préd, d'asseurer ainsi les choses desquelles il est incertain?

Or il est vray, que Ican André in Rub. defalsis, afferme que de son tēps estoit en la

en la cour de Rome M. Arnauld de Villeneuve, grand Medecin, Theologien, & Alchymiste, lequel consentoit que les lingots d'or, qu'il faisoit, fussent examinez à toutes preuues. Que reprochera l'on à tel tefmoin? Auroit on iuste cause de le recuser en ce lieu? Je me tais de l'Apoticaire Taruisin, qui vn iour deuant le Princee & les sages de Venise, mua quelque quantité d'argent vif en or, en sorte que les vestiges demeurent encores audiect lieu, comme escrit H. Cardan: cōbien qu'il ne puisse fauoriser à telle transmutation: dequoy ailleurs s'il plaist à Dieu. Aussi ne feray-je mention de plusieurs autres tels exemples amenez par diuers auteurs d'Alchymie: car ils pourroyent estre suspects.

Mais quant à ce qu'il veut confirmer sa proposition par l'autorité de Ph. Vlstade cap. 24. du ciel des Philosophes, escriuant que plusieurs l'ont cherché,

cherchee, & bien peu l'ont trouuee, il y a dequoy rire. Car à qui demande-il secours? C'est grande sottise, d'amener tefmoin cõtre foy-mefme. Nous n'auons occafion de reiecter icy le tefmoignage dudiẽt Vltade, difant que peu de gens l'ont trouuee. Il fuit verité en fa depofition. Mais à quoy penfoit Girard, voulant par cela conclure, que perfonne ne l'auoit trouuee? Sa propofition, & celle dudiẽt Vltade, font contradicẽtoires. Pource-ñ l'vne eft vraye, il faut que l'autre foit fauce. Toutesfois Girard les prenoit toutes deux pour vrayes, tant eft-il subtil tatiocinateur.

Au demeurant, il diẽt que les Liur. tefmoignans que aucũs ont euẽ vraye experience de tel artifice, ne font foy pource qu'ils font fans authẽur. Or, fans repeter les efcruains fufdiẽts, qui eftima oncques fans authẽur, les Liur. de Geber, & d'Avicenne, & d'Arnauld
de

de Ville Neufue , & de R. Lulle & d'Augurel, & grand nombre d'autres portans les noms & furnoms des gens bien ſçauans qui les ont compoſez? Je me rapporte maintenāt à ce qu'ils en eſcriuent. Puis il prononce,

Combien que aucun ancien en fuſt paruenue à chef, ce neantmoins qu'il eſt impoſſible maintenant de peneſſer iuſques là, attendu que tous les liures plus exquis de ceste matiere, ont eſtez perdus, & les plus chetifs ſont demeurez. Et encores ont eſté corrompus par la tranſlation des termes naiſſ d'une langue en autre de diuerſe energie.

Rigoureuſe ſentence: laquelle condamne perpetuellement tous les humains & à ne deſirer la cognoiſſance de l'art ſuſdict, & à perdre tout le tēps & argent qu'ils pourrōt & voudront employer à la chercher par eſtude & experience. Mais ie demanderois volontiers à tel iūge, par quel eſcriuain fut

fut guidé le premier inuenteur de ce-
 stedicté science. Et si, encores qu'on
 ne trouueroit à present aucun bon L.
 d'icelle, cōme il suppose, elle ne pour-
 roit auoir esté, depuis son inuention,
 consecutiuelement baillee & gardée de
 main en main, par les anciens qui l'a-
 uoyent, & par mesme moyen estre en-
 cor auourd'huy receuë par quel-
 qu'un, en mode de cabale. Et outre ce,
 si la puissance & clemence de Dieu
 sont maintenant perdues, ou tellemēt
 amoindries, qu'elles ne suffisent pour
 en donner cognoissance à quelqu'un
 comme autresfois elles ont faict à
 nos predecesseurs. Veu mesmes, que
 certaines autres choses exquisies, nous
 sont en ce temps manifestees, lesquel-
 les il n'appert suffisamment auoir esté
 cogneuës par les anciēz: cōme la pou-
 dre à canon, l'eau forte, l'Imprimerie,
 & plusieurs autres. S'il n'a presente-
 ment loisir ou vouloir de respondre à

cecy, dilation luy est de ma part accordée. Or que diront ceux, qui lisent encores auourd'huy tant d'escripts touchant ceste matiere, pleins d'excellentes sentences, combié que le plus souvent elles soyent exprimees par mots à peu de gens intelligibles : & pour iuste cause, par eux mesmes souvent produicte? Un seul R. Lulle, nous a laissé enuiron 500. volumes de tel artifice, si Lacinius est veritable : au moins en voyons nous beaucoup tant imprimez que escripts à la main. Je ne parle de ceux de Hermes, Geber, Auicenne, Rasis, ne de tant d'autres qui courent iournellement par les mains de plusieurs personnages. D'auantage, il faudroit auoir deuëment conféré & entendu tous les L. de ceste dicte matiere, soyent perdus, ou demeurez, pour les scauoir distinguer en exquis & chetifs. Peut on conférer, sans apperceuoir? Peut on apperceuoir, ce que

que n'est? Au reste, cela prouient d'une trop grande ignorance de penser, & legereté de dire, que tels liures soyent tous translatez de lāgages diuers. Car Car de quel langage sont tournees les œuures d'Albert, d'Arnauld de Ville-neufue, de R. Lulle, de Guilielmus Parisiensis, de Paulus de Canquanto, d'Augurel, & de leurs semblables escriuains d'Alchymie? Apres il adioust, que,

Toute la vie de ceux, qui sont épris de ceste Philosophie, ne suffit pour acquerir la cognoissance des termes d'icelle. Et que les despens sont si grands qu'il y auroit grande incertitude de profit, encores que la facture d'icelle pierre fut possible. Et que s'il y auoit profit, on n'en pourroit vser à souhaiet & en liberté.

Et vis à vis de telles parolles, ce discret personnage marque en marge, 3. raisons: comme si tant diuers argumens n'estoient qu'un. Ainsi broüille
il &

il & confond les choses qui mérito-
yent distinction. Et combien de fois
faute-il du coq à l'asne? Venons au
point. Il impose par irrision, ce nom,
Philosolie, à l'art susdict. Notés donc
qu'il est vn tressourd & audacieux
forgeron de mots. Car quelle grace
peut auoir telle espece de vocable, il-
licitement composé d'vn Grec avec
vn autre François? Quelque autre moc-
queur, n'estant si temeraire que d'o-
ser, par vicieuse meslange de langues
diuerfes, produire des mots bastards,
lesquels fussent incogneus & desa-
uouez de la chacune d'icelles langues,
eut peu dire, philomorie, s'il n'eut
mieux aimé soulder legitimemēt deux
noms François en vn, ayant telle si-
gnification. Quant au reste, lon entēd
facilement (mesmes par ce que i'ay
sus escript) qu'il n'est raisonnable de
s'accorder à luy en ce que tous les
estudians en ceste dictē science soyent

semblables à plusieurs ignorans, lesquels poursuiuans vn mesme estude, demeurent toute leur vie en erreur: ne que les frais soyent tels qu'il dict, à ceux qui bien entendent les principes: car Geber & plusieurs autres hommes scauans & bien experimentez en cecy, ont affermé le contraire. Et touchant l'vsage du fruiet d'iceluy artifice, i'aduoüe que les fols ne scauent bien vser des choses bonnes: mais ceste dicte science n'a encores (que l'on sache) esté cogneuë que par gens prudents: chacun desquels a de sa part donné bon ordre, que les inconueniens n'aduinsent, esquels le bon Girard pensant, nous obiecte, que s'il y auoit profit,

La plussart du peuple laisseroit sa propre vacation pour s'appliquer à ceste Alchymistrie, à fin de plustost s'enrichir: d'où aduendroit peu à petit que toutes choses demeureroient incultes, &c.

D'où

D'où vient doncques cela, que plus de gens ne laissent leur propre vacation, pour prendre les loix, ou la Medecine, que sont sciences si fructueuses & honorables? Vous diriez, avec Girard, que chacun peut facilement acquérir tout ce qui est profitable: & que le vulgaire doit incontinent estre participant des choses non vulgaires, moyennât qu'elles ameinēt du profit. Il n'est question que de cela: Ainsi les raisins estoient pour le Renard d'Esoppe, s'il ne les eut veu si verds. Encores ameine il icy le droit Canon: à fin qu'il n'oublie aucune chose, laquelle luy puisse aider à estre victorieux, & dict.

*Aussi que l'Alchymisterie soit art illi-
cine & reprovée, il est tout manifeste: par-
ce, que celuy qui croiroit qu'une espee se
peust trans-ferer en une autre, ou sembla-
ble par œuvre humaine, & sans que spe-
cialement le createur de toutes choses y*

mist la main , seroit infidelle & plus detestable qu'un Payen , comme il est contenu au droit Canon.

Par la force du Canon (qui a esté fait pour chastier les forciers.) Il ne veut, comme i'estime, en ce lieu contraindre de consentir que l'Alchymie soit illicite & reprounee. Si est ce qu'il ne faut estre de si lasche cœur, que de penser icy à se rendre. Qu'est-il donc besoin luy opposer pour la defense d'icelle Alchymie? Il ne la peut offenser; attendu que elle n'est capable de fidelité ne infidelité. Mais si par aduerture il se veut adresser aux Alchymistes, & non à l'Alchymisterie, ainsi qu'il parle, ne pouuant manifester sa fantasie troublee, il nous faut voir la disposition de sa belle argumentatiō: afin que la vigueur d'icelle soit plus apparente. Soit doncques telle:

Quiconque croid, que par seule œuvre humaine ync espee puisse estre

estre

estre transformee en autre, est infidelle: *(Cela est dit par S. Grégoire)*

Que s'ensuit-il par cela? est ce que les Alchymistes sont infideles? Ouy bien si on les auoit conuaincus, qu'ils creussent que par seule ceuvre humaine vne espece peut estre transformee en autre. Mais, comme i'ay sus recité, ils confessent que la facture de leur pierre appartient à nature, aidée d'art. Or puis que icelle nature n'est que chambriere de Dieu, & en luy obeissant faict toutes les ceuvres, il appert qu'ils ne peuvent icy estre chargez d'infidelité. Et ie pense que entre eux ne s'en trouuera vn si ignorant, qu'il n'entēde bien, que toutes choses sont faictes par la volonté ou permission diuine. Qui douteroit de cela, seroit infidele: comme il m'est aduē, qu'il doit estre entendu par les parolles de S. Grégoire facteur d'iceluy Canon: cōbien que sans dissimuler, lon puisse

estimer qu'elles soient d'autre efficace. A ceste cause ie les produiray tournées, sans desguiser leur valeur. Voyez les icy.

16.9.
5. c.
episc. **Quiconque** croid quelque creature pouuoir estre faicte ou muee en meilleure, ou pire, ou bien transformee en autre espece ou semblance, excepté par le Createur mesme qui la faict toutes choses, certainement il est infidelle & plus meschant qu'un Payen. Veritablement ce decret peut tenir suspèds plusieurs gens discrets: attendu que d'un costé, ils n'oseroient nier ce qu'il afferme: & d'autre, selon le son de ses mots, il semble forcer les humains de ne croire ce que la venue leur faict communement croire. Car qui ne voit souuent & croit aussi, beaucoup de plantes & d'autres diuerses matieres estre artificiellement muees en verre: De ma part ie ne puis compren-
dre,

dre, que par telle credulité l'on tombe en infidelité & meschanceté : moyennant qu'on cognoisse que la faculté & des choses muables, & des ou-
 utiers qui aident à les muer, dépendēt & prouiennent du Createur de toutes choses. Pource les Alchymistes, avec leur art, sont icy hors de dāger, & Girard s'est en vain efforcé de les espou-
 uanter. Gardons pour quelque autre lieu la dispute touchant la transfor-
 mation des choses singulieres en au-
 tres de diuerse espeece, & passons ou-
 tre. En suiuant il obiecte que,

*Supposé que ladicte science soit vraye
 & licite, si est ce que peu de gens sont i doi-
 nes de l'entendre. Car les Alchymistes con-
 seillent, qu'on ne s'entremette en cest art,
 sans premier estre grand Philosophe, muni
 de subtilité d'esprit, santé de corps, huma-
 nité, patience & plusieurs autres bonnes
 qualitez, lesquelles deffaillet à trop de ges-*

Ce conseil des sçauans Alchymistes

est tresbon, suiuant lequel il ne faut estre trop hatif à se mesler dudit art; Si est ce qu'il ne le faut prendre pour vn arrest, par la rigueur duquel tous ceux qui sont destituez d'aucunes des conditions susdictes, soyent perpetuellement contraincts d'ignorer ladicte science, laquelle Dieu donne quand, & à qui il veut, par quelque moyen que ce soit. Puis il adiouxte,

Qu'on l'acquiert par voyes obliques, & à intention d'une lucrative si grãde, qu'elle auengle & assoupit les cœurs humains.

A quoy ie responds, qu'il ne faudroit blasmer si generalement, pour dire verité. Et encores qu'il seroit icy veritable, tel propos n'auroit efficace de persuader ce qu'il pretendoit. De là il passe à

La 8. pretendue raison.

Irraisonnable: comme faisant communs entre tous les professeurs de ladicte science, certains vices, lesquels conuien

conviennent seulement à quelques trompeurs & sophistes particuliers. Il faut donner blafme, ou los à ceux qui le meritent. Apres il conclud ainsi.

Voilà doncques à quoy sert & peut servir cest art. Voilà comment il peut bien teindre & pallier quelque metal, mais non point convertir la substance d'iceluy en un autre, cōme faire que le plomb ou estaing soit pur argent. Aussi certes c'est chose que ie ne puis croire.

Ce n'est merueilles, si ayant ainsi executé son entreprise, il veut mettre fin à ses travaux. Il s'est assez tourmenté en tel combat pour estre ennuyé & las. Mais, puis qu'il n'a sceu par tous les assaux offenser, n'irriter, sinon à grande peine, les ennemis, qui ne se riroit à bon droit de sa folie, le voyant maintenāt retirer & glorifier comme victorieux? Il joue trop mal son personnage. Le triomphe ne doit preceder la victoire. En fin,

Appelle, par desdain, l'artifice de ladi-
cte pierre-science que n'est mie.

Il est vray que ie croy bien qu'elle
n'est mie en son cerueau: ce neant-
moins il n'est assez bon orateur pour
nous persuader qu'elle ne puisse estre
& habiter en quelqu'un autre: ne que
certains escriuains n'ayent couuette-
ment monstre quelque bonne voye
pour la trouuer. Mais, que feroit de
leurs liures si obscurs, celuy qui en les
versions prend pour ænigmes, les sen-
tences tres-faciles à ceux qui enten-
dent moyennement la langue Latine?
On lit en l'exemplaire Latin du L. de
R. Bacho, imprimé 15. ans auant la tra-
duction de Girard, à laquelle est ioin-
cte ladicte epistre (f. 53. page 2. ligne
derniere.)

*Sed considero quòd in pellibus capra-
rum & ouium non iraduntur secreta na-
tura ut à quolibet intelligantur, &c.*

Qu'est à dire. Mais ie considere que
les

les secrets de Nature ne sont redigez par escrit és peaux des Chieures & des brebis, en telle sorte que chacun les puisse entendre.

Or où est l'homme si hebeté (moyénât qu'il ne soit ignorât du lágage Latin ou Fráçois) qui ayât leu, ou ouy pronócer ladiéte sentéce Latine, côme dessus, ou ainsi tournée, côme il faut, n'entende prôprement qu'elle signifie, que la coustume des sages n'est de laisser leurs gráds secrets, touchát les choses naturelles, par escrit à chacū intelligible, soit en parchemin de brebis, ou de chieure, ou d'autre beste, ou encores en autre quelecoq; matiere cōuenable à escrire. Ce q̃ l'auteur mesme, en cōtinuát là son propos, faiét assez amplemēt cognoistre. Et en séblable maniere parle l'escriuain du L. appellé les secrets d'Aristote à Alexandre, disant, ce de quoy tu m'as rinterrogé, & desiré auoir cognoissáce, est tel secret, que à

grand

grād peine les cœurs humains le pour-
 rōt endurer : cōme dōc pourra il estre
 peinct en peaux mortelles? Mais nostre
 Girard, à faute de cognoistre la signifi-
 catiō des mots Latins, cūldōit q̄ ledict
 Bacho eut là parlé ænigmatiquement,
 & au lieu de trāslater deuēmēt le La-
 tin sus mētionné, q̄'il dict auoir tra-
 duiēt, nous a fait present de ie ne sçay
 quelles parolles, desquelles on ne sçau-
 roit tirer sens; car il n'y en aaucū: pour-
 ce en sa pag. 56. lign. 1. où il a noté *Æ-*
nygme, il pouuoit biē adiouster, inex-
 plicable. Je repeteray icy les mots pro-
 pres de son *Ænigme*, qui sont tels. En
 premier lieu ie considère q̄'aux poils
 des Cheures & brebis les secrets de
 nature ne sont point enseignez, de
 peur qu'un chacun les entende.

Ne voilà pas bons mots ænigmati-
 ques? Or pour me faire des autres, c'est
 le meilleur, que pour *pellibius*, il entend
 & expose poils. Je ne sçay si yn mesme

Docteur

Docteur a donné enseignement de la
 lague Latine à luy, & à celuy duquel il
 me faiët maintenant souuenir, qui quel-
 que iour voulät prouuer que S. Ieä Ba-
 ptiste estoit en son tēps vestu de peau
 de Chameau, allegoit les effigies des
 peinctres, lesquels coustumieremēt le
 representent en tel habit, suiuans (cō-
 me il disoit) S. Marc, qui a escript, *Et*
erat Ioannes vestitus pilis Cameli. Mais
 l'un & l'autre eussent bien entendu
 ces 2. ablatifs, *pilis & pellibus*, sans s'a-
 buser diuersemēt par l'affinité d'iceux,
 si en retenant chacū le sien, ils eussent
 faiët mutuel eschange de leurs con-
 ceptions & interpretations.

De ce lieu l'ō peut cōiecturer du re-
 ste de la versio, à laquelle, peut estre, il
 donne meilleur nom qu'il n'en pense,
 en l'appellāt traductio. Mais ie la lais-
 se pour telle qu'elle est. Aussi ne l'ay-ie
 que fueilletee & courue hatiuement,
 pour veoir s'il y auroit encores riē du
 sien,

sien, appartenant à ladicte sciéce : quoy
 faisant , les annotations marginales
 m'ont faiet prédre garde en cecy, que
 ie ne cherchois. Et laisse à penser aux
 gens de bon iugement & sçauoit, de
 quelle grace il propose à M. Edouard
 Laurent, en vne autre sienne Epistre,
 quelque iour estre aduenu, qu'un ho-
 me de bon esprit satisfaisant à la de-
 mande d'aucuns, qui s'esmeruilloient
 qu'il ne mettoit rié en lumière (côme
 font plusieurs de moindre réparation
 que luy n'estoit) respôdit que de sa le-
 nibre des L. surpassoit tout aage de
 les pouuoir lire, tant s'en faut qu'on
 les puisse bien entédre. D'auantage, que
 pour le present on ne pourroit quasi
 rien dire que ja n'aye esté dict au para-
 uant: suiuant la sentéce de Teréce. Quoy
 considéré par luy ioincte la peur de de-
 traction, il a voulu traduire le traicté
 de Claude Celestin. Où i'estime qu'il
 vueille dire, qu'il a mieux aymé faire
 cela.

cela, que d'être prêtre à composer, quelque chose, pour augmenter si grand nombre de liures, ou pour redire choses dites. Comme si la vérité n'estoit deuers plusieurs sçauans hommes, qui escriuent, qu'il y a encores infinie choses non sçeuës ny enseignées, lesquelles, toutesfois on peut sçauoir & enseigner. Mais ie suis biẽ d'avis qu'on ne les attẽde de la part dudiẽt Girard: de peur que la lógueur du tẽps ne fust trop facheuse. Au reste il a opiniõ (comme il dõne à entendre) d'estre bien digne de faire telle rẽspõse, qu'il diẽt auoir esté faicte par son; ne sçay quel homme par luy loué de bõté d'esprit, & peut estre cõtrouuẽ, pour acquerir, soubs la couuerture d'autruy, quelque faueur à la paresse & ignorance. Mais véritablement ie croy, que plus cõuenable luy seroit vne sẽblable à celle d'Apollonius, lequel interrogé par Euxenus, pourquoy il ne mettoit quelque chose par

M I I

se par

se par escrit, attendu qu'il auoit & bon
 sçauoir en Philosophie, & brane stile
 pour l'expliquer, modestemēt respon-
 dit, qu'il n'auoit encores appris à se
 taire: & deslors imposa silēce à sa lan-
 gue pour long temps. Or si ledit Gi-
 rard eut communiqué ses conceptiōs
 accompagnées de detractions & in-
 iustes moqueries touchāt l'Alchymie
 & les honnestes professeurs & estu-
 dians en icelle, lesquels il ne cognois-
 soit seulement à ses semblables &
 amis; en contenant honnestement sa
 langue, à l'imitation d'iceluy Apollo-
 nius, & sa main, sans leur dōner aban-
 don de les publier, il n'eut esté en
 danger d'abuser quelques ignorans &
 credules lecteurs, & auditeurs, ne d'e-
 stre à bon droit moqué des sçauans;
 & ie n'eusse eu la peine de confuter
 ses refueries ridicules & mengeries
 intolerables.

F I N.